

9 772298 095006

საზოგადოებრივ-იუსტიციური სამინისტრო

# კოლი

ფასი 2 ლარი

1134 /2  
2019

/2



2019 / ივნისი

2 (280)

ეთნ კულტი  
ცხოვრის კვეთი და ეთნოკულტურულ-ფარ

ნიგნის ნადიმები	3	მალხაზ ხარბედია   დონ კიხოტი - უწყვეტი კვდომა და უწყვეტი სმა-ჭამა
პროზა	10	ზაზა ფირალიშვილი   ბოგანო
	21	კობა ცხაკაია   ყველაფერი ტყუილია
პოეზია	26	ნიკა ლაშენა
	29	პაპუნა გიორგაძე
თარგმანი	33	უაიკი ვანი   ომაკასე ინგლისურიდან თარგმნა თამარ ლომიძემ
	41	ტარიელ დათიაშვილი   მელია და მწევარი
რეცენზია	47	ნანა ტრაპაიძე   ჩიხი და ილუზია

გარეკანი: მამუკა ტყეშელაშვილი

## Arili

საზოგადოებრივ-ლიტერატურული ასოციაცია  
"არილის" ყოველთვიური გამოცემა

The Literary Magazine "Arili"

რედაქტორები  
მალხაზ ხარბედია  
შალიმან შამანაძე

მხატვარი მამუკა ტყეშელაშვილი

კორექტორი ინა არჩეუაშვილი

კომპიუტერული უზრუნველყოფა თამაზ ჩხაიძე

პროექტის მენეჯერი ეკა ხარბედია

სარედაქციო საბჭო

რატო ამაღლობელი, ია ანთაძე, ანდრო ბუაჩიძე,  
ლაშა ბულაძე, თამაზ ვასაძე, გიორგი კეკელიძე,  
ზურაბ კიკნაძე, ვასილ მალლაფერიძე,  
ზვიად რატიანი, ჯიმშერ რეხვიაშვილი,  
ირაკლი სამსონაძე, გულსუნდა სიხარულიძე,  
ბაკურ სულაკაური, ირმა ტაველიძე,  
ქეთი ქანთარია, პაატა შამუგია, ზაზა ჭილაძე.

არილი - დასასვენებელი სიცოდეოთა

სულხან-საბა

არილი - მზის შუპი, რამეზე დამდგარი  
ქართული ენის განმარტებითი ლექსიკონი

არილი - თანამედროვე ეპიზოდი ლიტერატურის  
მარილი

ხალხური



ელექტრონული ფოსტა: [info@arilimag.ge](mailto:info@arilimag.ge)  
ვებგვერდი: [arilimag.ge](http://arilimag.ge)

გამოდის 1993 წლიდან

© უურნალში გამოქვეყნებული მასალების გამოყენება  
"არილის" რედაქციის ნებართვის გარეშე აკრძალულია

უურნალი გამოდის  
საქართველოს განათლების,  
მეცნიერების, კულტურისა და  
სპორტის სამინისტროს  
ფინანსური მსარდაჭერით



საქართველოს მთავრობის  
მინისტრის მიერ მიღებულია



ერებული  
სახელი

## მალხაზ ხარბედია

# დონ კიხოტი - უნივერსალური კულტურული ძეგლი



იწყება ინუსტრიუმენტული მთავარი გმირის მე-  
ნიუს ჩამოთვლით.

პირველად ეს თანამედროვე რომანის გარიუ-  
რაჟე მოხდა, ყველასთვის კარგად ნაცნობ ნიგ-  
ნი, რომლის პირველივე აბზაცშიც სახელოვანი  
იდალგოს პირის გემოსა და გასტრონომიული შე-  
საძლებლობების დეტალებს ამოვიკითხავთ. „დონ  
კიხოტის“ ამ დასაწყისს არაერთი კომენტატორი  
ახსენებს, თუმცა, ჩემი აზრით, ნაბოკოვის ინტერ-  
პრეტაცია ყველაზე საყურადღებოა და მახვილ-  
გონივრული.

XX საუკუნის მერალი განსაკუთრებულ მნიშ-  
ვნელობას ანიჭებს იმ ფაქტს, რომ დონ კიხოტი,  
50 წლის ასაკში ერთდროულად იწყებს სარაინდო  
რომანების კითხვას, ჭკუიდან გადასვლას და ამავ-

დროულად მძიმე-მძიმე სადილების ჭამას. იგი  
ხაზს უსვამს, რომ რომელიღაც მთარგმნელმა  
ერთ-ერთ კერძს Resurrection Pie უწოდა (Duelos  
y Quebrantos, სიტყვასიტყვით, ტანჯვა და მოტე-  
ხილობანი), რომელიც ბაჩანა ბრეგვაძის თარგმან-  
ში გადმოტანილია როგორც ერბოკვერცხი, ავა-  
ლიშვილთან კი - ქონიანი ტაფამნვარი. ნაბოკოვი  
დასძენს, რომ ესა შეჭამანდი, რომელიც გადაჩე-  
ხილი საქონლის ხორცისგან მზადდება. ასე რომ  
ნაბოკოვი ნახევრად ხუმრობით კვების რაციონ-  
საც აბრალებს დონ კიხოტის საქციელს, მის გა-  
გიუბას, სიძლეგეს. სხვათა შორის, აქ საქონლის  
ტანჯვა და ტკივილები კი არ იგულისხმება, გადა-  
ჩევისას, არამედ პატრონის გრძნობები, როცა  
ამ გადაჩეხილს აღმოაჩენს, ამ დანაკარგს.

აი როგორ ულერს უკვდავი დასაწყისი ბაჩანა ბრევვაძის თარგმანში:

„უფრო ხშირად ძროხის ხორცის ოლასა ჭამდა, ვიდრე ცხვრისას, ვახშმად სალპიკონს შეექცეოდა, შაბათობით - ერბოკვერცხს, პარასკეობით - ოსპის შეჭამანდს, კვირა დღეს კი დამატებით მტრედის ტაბაკასაც გეახლებოდათ“.

ჩვენი 50-ს მიტანებული იდალგოს შემოსავლის სამი მეოთხედი სწორედ ამ საქმეს, ჭამას ხმარდებოდა თურმე, თანაც იგი ნადირობის დიდი ტრფიალიც იყო და შესაბამისად, ხანდახან ნანადირევსაც დაიდგამდა ხორმე სუფრაზე. ერბოკვერცხი და ოსპის შეჭამანდი გასაგებია, მაგრამ იმ ორ კერძს რაც შეეხება, ოლასა და სალპიკონს, მათ გამოცნობას დიდი დაგუგლვა და ქექვა არ უნდა, რადგან ბაჩანა ბრევვაძისეულ თარგმანს მთარგმნელისვე დეტალური კომენტარებიც ახლავს, სადაც ორივე კერძია ახსნილი. თანაც არ უნდა დაგვავინყდეს, რომ თურმე სერვანტესის დროს საქონლის ხორცი უფრო იაფი ღირებულა, ვიდრე ცხვრისა, და ოლაც და სალპიკონც ამ შედარებით იაფიანი პროდუქტისგან მზადდებოდა - მარტივი შეჭამანდები, მარტივად შეკაზმული.

ზემოთ ორჯერ ვახსენეთ გმირის ასაკი, 50 წელი. ეს მნიშვნელოვანი სიახლეა, რადგან სხვა სარაინდო რომანებში, როგორც წესი, ბავშვობიდან ვადევნებთ თვალს რაინდის ზრდას და ჩამოყალიბებას. აქ არაფერი ვიცით დონ კიხოტის ყრმობის და ახალგაზრდობის შესახებ. ეს სიახლე ახალი რომანის ერთ-ერთი ნიშანიცაა. აქედან ინყება ევროპული რომანი, როგორც ნაბოკოვი უნიდებს თავის ლექციაში - მოშინაურებული ძუძუმნოვარა, რომელიც ეპიკური მონსტრიდან მოთვინიერებულ ცხოველად იქცა. ამ მოთვინიერებაში კონკრეტიკასთან გამინაურებაც იგულისხმება, ის, რაც შემდეგ XVIII-XIX საუკუნის რომანში ნამყვან ძალად იქცევა. ეს ცვლილებების გზა, რამდენიმე სხვა ავტორთან ერთად, „დონ კიხოტზე“ გადის, მის გასტრონომიულ კონტექსტზე. თურმე ამ კონტექსტიდან, ამ ნახემსებრიდან თუ ნადიმებიდანაც შეიძლება იშვას ახალი უანრი.

ასეთია ამ თემის ლიტერატურათმცოდნეობითო მხარე, მაგრამ მას, რა თქმა უნდა, სხვა მხარეებიც აქვს, რადგანაც ამ სუფრის სცენებით კულინარიის ისტორიკოსებიც დაინტერესდნენ დიდი ხანია. [pinterest.com-](http://pinterest.com/)ზე ასეთი გვერდიცაა - La gastronomia de Don Quijote de la Mancha. ბევრ საიტს იპოვით რომანში ნახსენები კერძების რეცეპტებით, არქაულიდან - თანამედროვე ვერსიებამდე.

როგორც ვიცით, ნიგნს ორი მთავარი გმირი ჰყავს. დონ კიხოტი, რომელიც ყველაფრის მიუხედავად ასოციალური პერსონაჟია. და სანჩიო პანსა. ერთი შეშლილია - პასუხისმგებლობის გარეშე, მეორე კი ღორმულელა - წეროს ფეხებით. თავ-

ქარიანი, გიუური კეთილშობილების რაინდი და კა პურისმჭამელი გლეხი.

დონ კიხოტი სარაინდო რომანებით ინტერესდება, გაყიდის პურის ყანას და წიგნებს ყიდულობს. მოგვიანებით კი ამ რაინდობის აღორძინებაზე ოცნებას იწყებს და შემდეგ ოცნების აღსრულებასაც გადაწყვეტს. ასე იბადება მაშინდელი ლიტერატურისთვის ძალიან უცხო და უცნაური თემა - მოხეტიალე რაინდობის აღორძინება, რომელსაც არც ფოლკლორული და არც მწიგნობრული წყაროები არა ჰქონდა. იგი მთლიანად ძველ რომანებს ეყრდნობოდა, მაგრამ ასეთი მიზანი, გნებავთ სიუჟეტი, აქამდე არასდროს ყოფილა. აქ ყველაფერი სერვანტების ინტუიციაზე და თხრობის უნარებზე იყო დამოკიდებული.

სათაურმი დონ კიხოტს მახვილგონიერი (Ingenioso) ჰქვია, რასაც არაფერი აქვს საერთო ლიტერატურიდან ნაცნობი ბევრი პერსონაჟის მახვილგონიერებასთან, მაგ. ოდისევსთან. აქ, როგორც მეცნიერები ამბობენ, უფრო წარმოსახვა იგულისხმება, დონ კიხოტის ფანტაზია, რომელსაც ყველაფრის წარმოდგენა, გარდასახვა შეუძლია, მათ შორის საკვებისაც.

ერთ-ერთ პირველ ფუნდუკში, სადაც იგი გაჩერდება, არაფერი აქვთ თევზის გარდა. ქართულში ჭიჭინიას უნოდებს მთარგმნელი ამ თევზს, ხანაც წვრილკალმახას, ავტორი კი გვეუბნება: თევზი, რომელსაც „კასტილიაში აბადებოს (abadejo) ეძახიან, ანდალუსიაში - ბაკალიას (bacallao), დაანარჩენ მხარეებში - კურადილის (curadillo), ზოგან კი ტრუჩელუას (truchuela)“. ალბათ ვირთევზა იგულისხმება, ოლონდ წვრილი და ცუდად მომზადებული ვირთევზა.

დონ კიხოტს სუფრა ფუნდუკის ჭიშკართან, სუფთა ჰაერზე გაუშალეს და ცუდად მოხარშული და საშინლად შეკაზმული ეს ვირთევზა მოუტანეს. თან მოაყოლეს „ფარ-ხმალივით შავი და დაობებული პური“ და დონ კიხოტიც ჭამას შეუდგება, ოლონდ ისე, რომ ჩაჩქანს არც იხდის, რის გამოც ლუკმის ჩადება ძალიან გაუჭირდება - სალტესავით შემოჭერილი საყბეური უშლის. იგი ერთ ლუკმასაც ვერ გასინჯავდა უცნობი ქალი რომ არ დახმარებოდა, ლვინის დალევაზე ლაპარაკიც კი ზედმეტი იყო, თუმცა აქ უკვე მეფუნდუკებ ივაუკაცა, რაინდს პირში ლერწმის ღეროს ერთი ბოლო ჩაუდო და მეორეში კი ლვინის ჩასხმა დაინყო. არადა როგორ შიოდა საბრალო იდალგოს, თავის კლასიფიკაციებსაც კი აყალიბებდა ამ უგუმური ვირთევზას შექმამდე, რომ ციკანი თხაზე გემრიელია, ხბო კი ძროხაზე - თანაც იმედი ჰქონდა, რომ ეს წვრილი ვირთევზა ნამდვილ ვირთევზასაც აჯობებდა. ტახისმეოდავი გლეხის სტერის ხმა სულ მთლად წამოშლის დონ კიხოტის წარმოსახვას და ილუზიებში გადაისვრის. ეს ხმა საბოლოოდ დაარწმუნებს მას, რომ მართლა დიდებულ ციხე-კოშკში იმყოფება და რომ მუსიკა



მხოლოდ მისთვის ულერს, ეს წვრილი თევზი ნამდვილი ვირთევზაა, შავი პური კი სპეტაკი და გამტკიცული ფქვილისგან გამომცხვარი პური.

ახლა დონ კიხოტის ჭამის „ფილოსოფიაზეც“ ვთქვათ ორი სიტყვა, რომელიც სარაინდო რომანების გამოცდილებას ეყრდნობა, თუმცა ნინააღმდეგობებსაც შეიცავს. იგი ხან იტყვის, ამსიმძიმე აბჯრის ტარებას ისე ვერ შესძლებს კაცი, თუ კუჭი მაძღარი არ ექნაო, ხან კი საუზმეზე ამბობს უარს, რადგანაც გადაწყვეტილი აქვს, რომ მხოლოდ ტკბილი ოცნებებით ირჩინოს თავი. ზოგჯერ მეუდაბნოებერივითაა, ზოგჯერ კი ერთ კარგ პურის ყუას და ზედაც ორ ცალ სარდინს ნატრულობს. იგი შეიძლება მტკიცე უარზე დადგეს, არაფერი ჭამის, თუმცა შეიძლება უცებ საუზმე, სამხარი და ვახშამი („მიცვალებულის ჭირისუფალთა ნუზლი“) მადიანად შთანთქას. ერთხელ სანჩიოს ერთი თავი ხახვი, ცოტაოდენი ყველი და ორი-ოდე ნატეხი გამხმარი პური აღმოაჩნდება და პატრონს ეუბნება, ეს ღარიბული სუფრა როგორ შემოგკადროთო, რაზეც დონ კიხოტი გრძელი

სიტყვით პასუხობს, სადაც იგი ყველა წაკითხულ წიგნს იხსენებს და ამბობს, „ერთშიაც ვერ მივაკვლიე სარნებულო ცნობას, რომ მოგზაური რაინდები რაიმეს ჭამდნენ“-ო. ისინი დიდ პატივად თვლიან მთელი თვე უჭმელად ყოფნას, მათ კვებას უფრო „ნაციოცევნა“ ჰქვია, თუმცა არსებობს გამონაკლისებიც, როდესაც ამ რაინდების პატივ-საცემად „მეფები და მთავრები დიდებულ ნადიმებს მართავდნენ“.

რა თქმა უნდა, რაინდები უდაბნოებსა და ტყუებში თან ვერ იახლებდნენ მზარეულებს, ამიტომ საგარაუდო ისეთსავე უხეშ საკვებზე გადადიოდნენ, რასაც იმ ნამს „მოკრძალებული“ სანჩიო სთავაზობდა. ეს უკვე მინიშნებაა, რომ სანჩიოს ხახვასა და პურზეც კარგად მოილხენს მთელი ესპანეთის სარკე და ღირსება.

სანჩიო ალიარებს, რომ არც ერთი წიგნი არა აქვს წაკითხული, არ ფლობს ასეთ ინფორმაციას, ამიტომ მისი ლოგიკა მარტივია - რადგან რაინდს ასე უყვარს მწირი საკვები, მისთვის ჩირს გადაინახავს საჭურველმტკირთველი, თავისთვის კი

„ცოტა უფრო ნუგბარ სასუსნავს მოიმარაგებს“.

დისპუტი გრძელდება, ამჯერად დონ კიხოტი მიუგებს ჩანთიან მოურმარილეს. მისი პასუხი სალალობოდ რომ მოვთარგმნოთ, ასეთია: „არა ჩირითა ხოლო ცხოვნდების რაინდი“ და ჩამოთვლის სხვა მისატანებელსა და ბალახეულობასაც, რასაც რაინდები გზადაგზა არჩევდნენ. ბოლოს კი ამბობს, ისინი „ბალახ-ბულახის ცნობაში ჩემზე არანაკლებ დახელოვნებული იყვნენ“-ი.

სანჩიო აღფრთოვანებულია, რომ მოლაპრეტა სხივცისკროვანი მნათობის, დიდი რაინდის ეს ცოდნა კიდევ არაერთხელ გამოადგებათ.

ამით სრულდება დიალოგი და ყველაფერს იმ მწირი საგზლის განადგურება აგვირგვინებს.

ეს ორი მოხეტიალე სხვაგანაც არაერთგან იყოფს საზრდელს. ლამეში, უდაბნოში, ხის ქვეშ, ან მწვანე მდელოზე ნამონვებიან და სხვა თუ არაფერი, რეასა და შინდა მაინც ჩაახრამუნებენ. განსხვავება მხოლოდ ისაა, რომ სანჩიო გაცილებით მეტ რკოსა და შინდა მიირთმევს.

დონ კიხოტზე კი ვილაპარაკე ამდენი, მაგრამ წყალი არ გაუვა (თუ ლვინ არ გაუვა?), ჭამის მთავარი, კვების გუბერნატორი და ღმურძვლის მეფეთ-მეფე ამ რომანში სანჩიო. სხვა ხასიათზე რომ ვყოფილყავი, ამ თავს შეიძლებოდა სანჩიო ჩანთაც კი რქმეოდა.

სანჩიოს მშვიდობა უყვარს. მშვიდობა და დროსტარება. მას ვერ ნარმოუდენია, როგორ შეიძლება ეჩეუბონ ან ორთაბრძოლაში გამოინვიო ადამიანი, ვისთან ერთადაც პური გაგიტებავს და ლვინო დაგილევია.

თავის სახედარზე ამხედრებული სანჩიო ისე მადიანად ილუქმება და დროდადრო ისეთი სიამოვნებით მოიყენებს ხოლმე თავის ტიკფორას, რომ „მალაგის ყველაზე ყოჩალ მიკიტანსაც კი შეშურდებოდა“. ხანდახან მიეღალერსება ამ თავის ტიკფორას, ხანდახან შეუძახებს, ხანაც ეღლაბუცება. გული წყდება, რომ გუშინდელზე უფრო დარჩულია და დამზუხებული აგრძელებს გზას, რადგან იცის, რომ ახლო მომავალში მას ვერსად შეავსებს.

იგი მჭამელიცაა, მსმელიც და ამავდროულად შრომის გამოცდილებაც აქვს. მისი ერთ-ერთი სიბრძნეა: „ხალხის მოსრვა ღმერთმა მაშოროს, ჩემი საქმე ვაზის მოსარვააო“.

ასეთი სცენა, სამსონ კარასკოსთან საუბრი-სას სანჩიო კუჭში საშინელ სისუსტეს გრძნობს და ამბობს, ორიოდე ჭიქა ძველი ლვინო თუ არ მივაშველე, ნაფორტივით გავხმებიონ და სახლში გარბის, სადაც „კაი გვარიანი ლვინო“ აქვს და ოჯახიც მოუთმენლად მიელის. რჩებიან ბაკალავრი კარასკო და დონ კიხოტი, რომლებიც ორიოდე მტრედის ტაბაკას გეახლებიან (საერთოდ, ეს მტრედის ტაბაკა რამდენიმეჯერაა რომანში ნახსენები), მაშინ როცა სანჩიო თავის გემოზე ლხინობს.

საერთოდ სანჩიოს ყველაფერი თავის გემოზე

უყვარს. ამის სანიმუშოდ ერთ შემთხვევას გავიხსენებ, როცა ჩაგრულთა მწე და მეოხი და მისი საჭურველმტვირთველი თხის მწყემსებთან ჩამოხდებიან, გაიშლება პურ-მარილი, სანჩიო ხან ზურგს უკან აეტუზება მერიქიფედ პატრონს და ლვინით სავსე ყანნებს აწვდის ხშირ-ხშირად, ხანაც მასთან ერთად მიირთმევს ლვინოს. სწორედ ამაზე ამბობს დონ კიხოტი - „მინდა ამ პატიოსან ხალხში გვერდით მოგისვა, რომ მე და შენ, პატრონი და ყმა, ერთმანეთის სწორნი შევიქნეთ, ერთი ჯამიდან ვჭამოთ და ერთი ყანნითა ვსვათ...“. სანჩიოს ამაზე თავისი ბრძნული პასუხი აქვს გამზადებული, რომ თუ მუცლის საძლომი იქნა, იმპერატორის გვერდით ჯდომას, ცალკე, თავისთვის, ზეზეულად ჭამა ურჩევნია. კიდევ უკეთესია, როცა სახლში, საკუთარ ჭერქვეშ მოულხენს, „სადაც არც თავპატიუ მჭირდება და არც დიდი მანჭვავრეხა, ცეცხლს მიიფიცხებულსა თუ კუთხეში მყუდროდ მიყუეულს ხახვი და ხმელი პური უფრო შემერგება, ვიდრე კაი მსუქანი ინდაური - სტურად; თუ ლუკმას ჩემებურად ვერ მოვუქნიე ყბა და ვერც ჩემს გემოზე ვსვი, ნამდაუწუმ ხელსახოცით ვიწმინდე ტუჩ-პირი, ვერც დახველება გავბედე, ვერც ცხვირის დაცემინება და დამთქნარება, როცა ამისი უინი მომივლის, ვერც ესა ვქენი და ვერც ის, რასაც, მარტო რომ ვყოფილყავი, არც დავერიდებოდი და არც დაგიდევდით, - თქვენვე მიბრძანეთ, ამ ჭამას ჭამა ეთქმის?“

თხის მწყემსები ყურს არ იბერტყავენ ამ ლაქლაქზე და ხმის ამოუღებლად ვახშმობენ, ხანდასან კი გამტერებული მისჩერებიან სტუმრებს, რომლებიც უკვე მადიან ჭამაზე არიან გადასული და მუშტისოდენა ლუქმებს იტენიან პირში. ხორცის შემდეგ დესერტსაც დაყრიან მწყემსები, ტკბილ რკოს, რასაც ხახევარ თავ ქასავით მაგარ ვყვლაც მიუდგამენ გვერდით. სბა არ წყდება, ყანნი ხელიდან ხელში გადადის, მწყემსების ორი ტიკიდან ერთი უკვე დაიცალა, დონ კიხოტი კი შეუჩერებლივ ლაპარაკობს „ოქროს საუკუნეზე“. მეორე ტიკი ხეზეა ჩამოკიდებული, გასაციებლად, რომელსაც მალიმალ აკოთხავს სანჩიო, მოსვამს და რკოსაც მიაყოლებს ხოლმე, რა თქმა უნდა, თავის გემოზე.

„შინ თუ პურის ყუა გიდევს, გარეთ ხაჭაპურს ნუ დაეძებო“ - ესეც სანჩიოს სიტყვებია.

სანჩიო და ლვინო რომანის ერთ-ერთი მთავარი ხაზია. სანჩიო ლვინოში და ლვინოსთან აცნობიერებს თავს. იგი აკავშირებს მას მინასთანაც და ცასთანაც, თუკი მზე ვაზის ზრდის მთავარი წინაპირობაა, ლვინის სმისას უკვე ვარსკვლავები ერთვებიან საქმეში. აი ნახეთ:

ერთხელ სანჩიო სხვა საჭურველმტვირთველს გაიცნობს, ტყის რაინდისას და ტყბილი მუსაიფის შემდეგ ეს ორი ლვინის ტიკფორასაც დაეწაფებიან, ზედაც კურდლის ლვეზელს აყოლებენ, რომელიც სანჩიოს თხის ან ციკნისა ეგონა თავიდან.

კარგად რომ გამოძლებიან, საკვებზე საუბარს იწყებენ. სანჩიო წუნუნებს, ერთი ნატეხი გაქვავებული ყველი მიგდია, თქვენსავით გულადი და პურადი კი არა ვარო. ჰა და ჰა, ცოტაოდენი ჩირი, თხილი და კაკალი გაჩნდეს ჩემს ჩანთაშიო. დღნ კიხოტსაც გადაწვდება, მხოლოდ ჩირით და ბალაბულახით გააქვს თავიო და ამ დროს ტყის რაინდის მესაჭურვლე ეტყვის, ჩემს კუჭს არც პანტის მონელება შეუძლია, არც ძირხვენების და ყლორტებისო, მე ცივად მოხარშულ ხორცს და სასეს ტიკჭორას ვერაფრით შეველევიო.

საჭურველმტვირთველები ისევ დაეწაფებიან ტიკჭორებს, მოიყუდებს სანჩიო ტიკჭორას და 15 წუთის განმავლობაში არ მოიხსნის პირიდან: „მოიყუდა და სულ მცირე, მეოთხედი საათი ვარსკვლავებს მიშტერებოდა. სმას რომ მორჩა, თავი ჩაქინდრა და ნეტარებით ამოიხვნება: - უჳ, შე ბოზიშვილო, ნამდვილი კათოლიკე ღვინო ხარ რაღა!“ (სანჩიოს ასეთი აღმატებული თუ სალანძლავი მიმართვები, აღმფოთებითა თუ აღფრთოვანებით სავსე, კიდევ არაერთგან გვხვდება „დღნ კიხოტში“. მაგ. „ოჳ, შე დონ ვირთევზის შაშხო, ქვის გულო, ინდის ხურმის კურკავ!“ და სხვ.)

სხვათა შორის, ამ სცენაში გამოჩნდება სანჩიოს კიდევ ერთი ნიჭი, ღვინის გამოცნობის ნიჭი. ჩვენი „სომელი“ ღვინის პატრონს ჰქითხავს, ეს ღვინი სიუდად რეალისა ხომ არ არის და გაოცებული თანამეონახე პასუხობს: „ჭაშნაგირი ვარო თქვენ უნდა თქვათ! სიუდად რეალის ღვინოა და თანაც საკმაოდ ძველი“. სანჩიო კი აგრძელებს თავის გამოჩნას და საკუთარ წინაპრებს თუ მოგვარებსაც გადასწვდება, ამ საქმის დიდოსტატებს, ნამდვილ ჭაშნაგირებს. ეს ამბავი ცნობილია, მერე ბევრჯერ გადააკეთეს, ფრანგებმაც, იტალიელებმაც და მემგონი ქართველებმაც კი. ერთხელ თურმე ამ ორი პროფესიონალისთვის ღვინის გასინჯვა უთხოვიათ, კასრიდან. ერთმა რეინის გემო დაკრავსო, მეორემ - ტყავის სუნი უდისო. პატრონი შორს დაიჭერს, გამორიცხულაო, მაგრამ როცა კასრი დაიცლება, აღმოაჩენენ, რომ შიგნით თასმაზე შებმული გასაღები აგდია.

კიდევ ერთი ღია ცისქვეშ გამართული ნადიობა აღნერილი მეორე წიგნის LIV თავში. ამ უცნაურ სუფრაზე ჯერ ლორის ნარჩენ, გამოხრულ ძვლებს ამოალაგებენ. ამას მოჰყვება ყველის ნატეხები, კაკალი, თევზის ქვირითისაგან დამზადებული და წყურვილის მოგვრელი, კუპრივით შავი შეჭამანდი, სახელად „კაბიალი“, „გამხმარ-განენებული და შეუკაზმავ-შეუნელებელი, მაგრამ მაინც გემრიელი და მადის აღმძვრელი ზეთისხილი“. ღვინოც ძალიან ბევრი აქვთ, ექვსი თუ შვიდი ტიკჭორა. ნელ-ნელა ილუქმებიან, გემო რომ კარგად ჩაატანონ, სიფრიფანა ნაჭრებს თლიან, დანის ნვერით მიაქვთ პირთან და ტიკჭორებს როცა მოიყუდებენ, ღვინის დასალევად, აქაც თავს უკან გადააგდებენ და ზეცას აშტერდებიან. სმისას ეს ზე-

ცას მიშტერება სერვანტესთან გარევეულ ნორმად თუ ენო-პოეტურ გაელვებად იქცევა.

აქვე უნდა დავიმოწმო სანჩიოს უკვდავი სიტყვები მეორე წიგნის XXIII თავიდან. ეს მისი კრედოა, მთავარი მცნება, რომელიც ასევე ღვინოს უკავშირდება: „ჩემს სიცოცხლეში არ დამილევია მხოლოდ იმიტომ, რომ დამელია. ისე კი, რა ვქნა, როცა მწყუროდა - მაშინაც. ვსვამ იმიტომ, რომ პირფერობის არა მცხია რა; ვსვამ იმიტომ, რომ არ მინდა და ხალხს ვათქმევინო, ე, რა თავპატიუს იდებს, ან რა ხეპრე და უზრდელიაო. ძაკაცი რომ გადლეგრძელებს, ქვის გული უნდა გქონდეს, რომ ჭიქა არ მიუჭახუნო. მაგრამ მე ჩემი ზომა ვიცი და ზღვარს არასოდეს გადავალ, მით უმტეს, რომ მოგზაურ რაინდთა საჭურველმტვირთველი მეტნილად წყალს გეახლებიან, რადგანაც ერთავად ველ-მინდვრად დანანნალებენ, ან კიდევ ულრან ტყეებში, მთის კალთებზე და კლდეებსა თუ ღრეში დაეთრევიან, ხოლო ამ უდაბურებაში წყურვილის მოსაკლავად თვალიც რომ გაიმეტო, წვერი ღვინოს ვერსად იშოვი.

ღვინის მონაკვეთს ღვინის და ყველის შეხამების ამბით დავასრულებ. ერთგან სანჩიო და შიკრიები მათარიდან საუცხოო ღვინოს სვამენ და ტონჩიონულ ყველს აყოლებენ, რომელიც ისეთი სურნელოვანია, რომ წერილსაც კი მისის სუნი უდის, წერილს, რომელიც შიკრიეს მიაქვს ბარსელონაში, მეფისნაცვალთან.

ცალკე გასტრონომიულ-ეთნოგრაფიული კვლევა დაინერება კამარის ქორწილის შესახებ, რომელიც მეორე წიგნის XX თავშია მოთხრობილი. თავი ასე იწყება: ახლად გაღვიძებულ გმირებს უცებ ცვრიანი მწვადის სურნელი მოსდით და რას ხედავენ, თელის უზარმაზარ შამფურზე მთლიანი მოზევრი იწვება. იქვე ექვსი ხალამი დგას, თითოეული ქვევრის ხელა იყო, რომლებმიც დაკლული ცხვრები მტრედებივით ცვივიან. ხის ტოტებზე გატყავებული კურდლებები და დაპუტული ქათმების ურიცხვი სიმრავლეა, გასაშრობადაა გაფენილი ნაირნაირი ნანადირევი თუ შინაური ფრინველი: „სანჩიომ სამოცზე მეტი ტიკე დათვალა, როგორც შემდეგ გამოირკვა, საუცხოო ღვინით სავსე: თითოში ორ-ორი არობა (დაახლ. ფუთს უდრის) მაინც ჩავიდოდა. თოვლივით თეთრი ბური ზვინებად დაეხვავებინათ, როგორც ხორბალი - კალოზე, ყველი კი აგურებივით ერთმანეთზე დაეწყოთ და მთელი გალავანი აღემართათ“.

ორ დიდ ქვაბში ზეთი თუხთუხებს და შიგ ტკბილეული იბრანება, რომელსაც ჩოგნებით კიარა, ნიჩბებით იღებენ და შემდეგ გამლდვალ თაფლში ყრიან. ქურასთან 50-ზე მეტი მზარეული ქალი თუ კაცი ტრიალებს, თეთრი ქათქათა ხალათებით. ყველა მხიარულადა, ილიმიან, იცინიან, გეგონება შესანვავად შემოდგმულ მოზვერსაც უხა-

რია, რომლის განიერ ფაშვში თორმეტი ძუძუთა გოჭია ჩანყობილი. იქვე გორებად ყრია სუნელ-სანელებლები. სანჩო გონებას კარგავს, ნერწყვში იხრჩობა და ბოლოს გაბედავს და ერთ სხარტ მზა-რეულთან მივა, ქვაბში ერთი ნაჭერი პური ჩამა-ნებინეო, რაზეც სანატრელ პასუხს მიიღებს: „- ვირიდან ჩამოხტით, ქაფქირი მოძებნეთ, ორიო-დე ქათამი ქაფივით მოხადეთ და ღმერთმა შე-გარგოთ!“-ო. სანჩოს სამი ქათამი და ორი ბატი შეხვდება, სიტყვებით: „ჯერ ამ ქაფით გაიხსნი-ლეთ და სადილობის დროც მალე მოვა“-ო.

ამ ქორნილში მოგხესენებათ, მდიდარი კამა-ჩოსა და ლარიბი ბასილიოს დაპირისპირების ამ-ბავია მოთხრობილი, რაშიც სანჩო, რა თქმა უნ-და, კამაჩიოს გულმხურვალე მხარდამჭერის როლს თამაშობს, რადგან „კამაჩიოს ქვაბებს შეიძლება ქათმების, ბატების, კურდლებისა და ბატიების დიდებული ქაფი მოჰქადო, ბასილიოს ფსკერგა-მოფხევილი ქვაბებიდან კი რას გადმოსწურავ, თუ არა მთხლესა და დურდოს“. ბოლოს ყველაფერი ისე სრულდება, რომ ქალს ბასილიო ნაიყვანს და დონ კიხოტის გამო სანჩოც მათ ამალაში ალმოჩ-ნდება, მოწყენილი და კამაჩიოს „ეგვიპტურ ქვა-ბებზე“ (იხ. ძველ აღთქმაში, ნიგნი გამოსლვათა, XVI, 3) გულდათუთქული: „მათი სანუკვარი ხატე-ბა გულით მიჰქონდა, მათთვის მოხდილი ქაფი კი - კარდლით, რომელიც თითქმის მთლიანად დაე-ცარიელებინა და ან უკვე გარდასული სიუხვისა და ნეტარების უბადრუკ ნაშთადღა ეჩვენებოდა. ასე, თავის ლურჯაზე ამხედრებული მიჩაქჩაქებ-და როსინანტის კვალდაკვალ, დაღვრებილ-დაძ-მარებული და ყურებჩამოყრილი, თუმცა მუცე-ლამოვსებული“.

ამ ამბავს სანჩო შემდეგაც არაერთხელ გაიხ-სენებს, მოგონებებით აცრემლებული: „ჰაი გიდი, კამაჩიოს ქორნილო და დონ დიეგოს დოვლათით სავსე სახლო, რა ხშირ-ხშირად გამახსენდებით!“

სანჩოს ამ ოცნებით სავსე გამონათქვამზე კი-დე ერთი სცენა გამახსენდა და სანამ მასზე მოვ-ყვები, ორი სიტყვით დულსინეას ლანდის კული-ნარიულ უნარებზეც შევჩერდეთ. არ მინდა გა-მოვგრჩეს. საქმე ისაა, რომ დონ კიხოტის გულის-სწორის ერთ-ერთ მთავარ ღირსებად ის მიიჩნევა რომანში, რომ იგი თურმე საუცხოოდ ამარილებს ღორის ხორცის და ამ საქმეში მას ბადალი არა ჰყოლია მთელს ლამანჩაში.


და კიდევ ერთი ფაქტი, რომელსაც რომანი-დან ვიგებთ. თურმე სოფელი, სადაც მოგზაური რაინდობის შნო და ლაზათის გულის მურაზი, დულსინეა ცხოვრობდა, განთქმული ყოფილა ქვევ-რების ნარმოებით. ერთხელაც ჭირთათმენაში უებ-რო ჩვენი რაინდი დონ დიეგო დე მირანდას კარ-მიდამს მიადგება სანჩოსთან ერთად, სადაც ეზოს ერთ კუთხეში მარანია გამართული. მარნის გარ-შემო კი უზარმაზარი ქვევრები ახყვია (tinajas). მთხრობელი გვეუბნება, რომ სწორედ ასეთ ქვევ-

რებს აკეთებდნენ ტობოსოში და დონ კიხოტს მა-შინვე თავისი დულსინეა ახსენდება და აქ წარ-მოთქვამს იგი მგზებარებით: „ოჳ, ტობოსური ქვევრებო, ჩემი ენით უთქმელი სიმწრის უტები-ლესი საუნჯე რომ მომაგონეთ!“

ახლა მოდით, დონ კიხოტის რჩევა-დარიგე-ბებს გადაცხედოთ, სანჩოს რომ მისცა კუნძულ-ზე გუბერნატორად ნასვლის ნინ. მათ შორის ენო-გასტრონომიულ ეტიკეტსაც შევხდებით, რჩე-ვებს იმის შესახებ, რომ ნიორსა და ხახვს არ უნ-და მიეძალოს, რათა არავინ თქვას, რომ გუბერ-ნატორი გლეხუჭაა. სადილად ცოტა უნდა ჭამოს, ვახშმად კიდევ უფრო ნაკლები, რადგანაც „ჩვე-ნი სხეულის ჯანმრთელობა ჩვენივე კუჭის სამ-ჭედლოში იწრთობა და იჭედება“. დონ კიხოტი მოუწოდებს სანჩოს ზომიერად სვას, ლუკმა ერ-თბაშად ორივე ყბით არ ღეჭის, არ დაბოყინოს (დონ კიხოტი ლათინურ სიტყვას იყენებს - ერუ-ტაციას).

და აი, ლამანჩისა და მთელი ქვეყნის ჯავარი-სა და შარავანდის, დონ კიხოტის ახლადგამომ-ცხევარი მოწაფის გამოცდის დროც მალე დგება. სანჩოს დიდებულ სასახლეში ნაიყვანენ, სადაც უზარმაზარ დარბაზში მეფური სუფრაა გაშლი-ლი. დაჯდება სანჩო სუფრის თავში და უცებ მის გვერდით ვიღაც უცნობი კაცი დაეყუდება ვეშა-პის ულვაშის წკეპლით ხელში. როგორც გაირ-კვევა, ეს კაცი ექიმია, რომელიც სანჩოს მადას აკონტროლებს. მოუტანენ სინით კერძს, გაინევს სანჩო და ეს ექიმი მაშინვე წკეპლას დაჰკრავს. ასე განმეორდა რამდენიმეჯერ. ეს ექიმი ვითომ მხოლოდ სასარგებლოს ჭამის ნებას აძლევს გუ-ბერნატორს, არც ხილს აკარებს, არც ცხარეს და სანელებლებიანს, შემწვარ კაკბებზე ხომ ლაპა-რაკიც ზედმეტია. ასევე არ შეიძლება თურმე კურ-დღელი, არც ხბოს ხორცი, არც ლლია პოდრიდა და სხვა რამები. რაღა დარჩა? მხოლოდ ორცხო-ბილა და კომშის რამდენიმე თხელი ნაჭერი. სან-ჩო მალე გამოერკვევა და ლამისათა თავზე გადა-ამტკრიოს ყველაფერი ამ ექიმს. გრძელი, რის-ხით სავსე სიტყვის შემდეგ ჭამას დააპირებს, მაგ-რამ ამ ღროს შიკრიკი შემოვარდება და წერილ მოუტანს, სადაც ჰერცოგი წერს, რომ კუნძულზე გუბერნატორის მოსაკვალავად არიან შეპარულე-ბი და პირი არაფერს დააკაროს, ემანდ მონამ-ლული არ იყოს.

აი, ასეთ დღეში ჩაგდეს ჩვენი მსუნაგი სან-ჩო, რომელიც იხვენება, ერთი ნატები პური და ყურძენი მაინც მაჭამეთო. მოგვიანებით ხახში მოშუშულ ძროხის ხორცისა და მოზვრის მოხარ-შულ თავ-ფეხსაც მიირთმევს, მაგრამ მაინც ჩაი-ლაპარაკებს, თუნდაც დამპალი ბოსტნეულის ოლა პოდრიდა მომიტანონ, მაინც გემრიელად შევჭა-მო. რაც უფრო დამპალია, მით უკეთესი სუნი ას-დისო. მთავარია იჭმებოდეს და სულერთია, რით იქნება შეკაზმული.



საერთოდ, სანჩო ყოვლისმჭამელია, არაფერს წუნობს და ცხვირს არაფერზე იბზუებს, ყველსა და პურ ისე შექამს, გეგონება „მილანური როჭობით, რომაული ხობებით, სორენტოული ხბოს ხორცით, მორონული კაკბებითა და ლავახოსური ბატებით ისადილა“.

თქვენ წარმოიდგინეთ, „გუბერნატორი“ სანჩო ღვინის კანონზეც კი ზრუნავს. ჯერ ერთი დადგენილებით იგი სასტიკად აკრძალავს სურსათ-სანოვაგის ზედმეტ ფასებში გაყიდვას და მეორეც, ნებას რთავს საიდანაც უნდათ იქიდან შემოტანონ კუნძულზე ღვინო, ოლონდ იმ პირობით, რომ აუცილებლად უნდა მიუთითონ ღვინის სადაურობა და ფასიც ღვინის ხარისხის, გემოს და ფერის მიხედვით უნდა დაედგინათ. ღვინოში წყლის გარევისა და გაყალბებისთვის სიკვდილით დასჯა დააწესა. ასეთი იყო სანჩო პანსას სჯულისდების უმთავრესი პუნქტები.

სანჩოს გუბერნატორობა დიდხანს არ გრძელდება და მალე ისევ ბრუნდება ძველი ცხოვრება, ხეტიალი და ფუნდუკები. რომანის ბოლოსკენ დონ კიხოტი და სანჩო ერთ ფუნდუკში ჩამოხდებიან, სადაც ლამის გასათვეის გარდა საუცხოო სუფრასაც დაპირდებიან: ისეთ სუფრას გაგიშლით, თვით სარაგოსაშიც რომ ვერ გაგიშლიდნენო. რასაც მეტყვით, იმას მოგართმევთ სადილადო, ამბობს მეფუნდუკა - ნანადირევი, შინაური ფრინველი, თევზი „თუ რა ვიცი, რაო“. და აი აქ იწყება ტანჯვა. სანჩო ვარიებს მოითხოვს, მეფუნდუკები - ძერამ მომტაცაო. მაშინ ქათამი შეგვიწვიო, საჭურველმტვირთველმა- სულ ქალაქში გავგზავნე გასაყიდადო, ციკნის ან ხბოს ხორცზე რას იტყვიო - ვაი, რომ არც ერთი მაქვს და არც მორეო. ლორი და კვერცხები მაინც ხომ მოგეძებნებათო? - აბა

საიდან კვერცხი, ხომ გითხარით უკვე ქათამზე და ვარიებზეო. და სანჩოს ამოასხამს: თქვენ თვითონ მითხარით, რა ჯანდაბა და დოზანა გაქვთო და ამით მოვათავოთო. ბოლოს გაირკვევა, რომ მეფუნდუკეს მხოლოდ ძროხის ფეხები აქვს, „ისეთი ნაზი, რომ ხბოსი გეგონებათ... მუხუდოსთან ერთად ღორის ქონში მოხარშული და ნივრით შეკაზმული“.

„სულ ჩვენ მოგვართვით! ხელი არავინ ახლოს!“ - ულრენს სანჩო.

ამ დროს ეს ორი გმირი უკვე ძალიან პოპულარულია, მათი ამბავი ბევრს აქვს წაკითხული, მათ ცნობენ, მათსავე ჩვეულებებზე ესაუბრებიან, ამბებს აზუსტებენ, მიმბაძველებს აკრიტიკებენ. ერთგან სანჩოს თავის დაცვა მოუნევს, არც ისეთი მსუნავი და ღორმუცელ ვარ, თქვენ რომ გგონიათო. მე უფრო სუფთა და ფაქიზი ვარო, რაზეც დონ კიხოტი დასძენს - გუბერნატორობისას ყურძენსა და ბრონეულის მარცვლებსაც კი სულ ჩანგლით გეახლებოდათო.

ფუნდუკის ამ სცენას წინ უძღვის დონ კიხოტის დასკვნითი სიტყვები, რომელიც სათაურშიც გამოვიტანე და ეს თავიც ამით მინდა დავასრულო. ნაცემ-ნაგვემი დონ კიხოტი და მისი საჭურველმტვირთველი წყაროსთან გაჩერდებიან. რაინდის გულს ჯავრი არ ასვენებს, მადა დაჰკარგვია, სანჩო კი დამშეულია და როცა მიხედება, რომ პატრონი კიდევ კაი ხანს ველარ მობრუნდება, პურს და ყველს ეცემა და ღმურძვლას იწყებს. დონ კიხოტს ეს არ გამოეპარება და ასე ეტყვის: „ჭამე, ძამიკო, სანჩო, ჭამე! მომაგრდი, მომჯობინდი, მოლონიერდი. სიცოცხლე შენ უფრო გჭირდება, ვიდრე მე... ჩემი სიცოცხლე უწყვეტი კვდომაა, სანჩო, შენი კი - უწყვეტი სმა-ჭამ“.

## 8აზა ფირალიშვილი

# ბოგანო



ამ რამდენიმე წლის წინ სამსახურში მიმავალს, თითქმის ყოველდღე, გზად ერთი მათხოვარი მხედებოდა - საშუალო ტანის, მსხვილი, მოკლე-ფეხება და შავგვრემანი, ალბათ, 40-ს გადაცილებული ქალი. უზომო მწუხარებისა და ტანჯვის გამოსახატავად სახეს უცნაურად მოიქცევდა ხოლმე, თან დამცინავი და ეშმაკური ნაპერნკალი უკიაფებდა მზერაში. ის, რითაც მისი თავი უკავშირდებოდა მხრებს, ძნელად თუ იწოდებოდა კისრად. საერთოდაც, მთელი მისი სხეული თითქოს ვიღაც უმეცარის თუ ავის მზრახველის მიერ სახელდახელოდ იყო შეკონინებული; თითქოს, ვიღაც ავსული ჩაერეულიყოს იმის გროტესკის შესაქმნელად, რასაც ადამიანის სხეული ჰქვია.

ერთხანს მხარმოშიშვლებული იჯდა მიწაზე გაშლილ ქსოვილზე, გამვლელ-გამომვლელს ამოგ-დებულ ძარჯვენა ბეჭს უძვერდა და ლამის დაუფარავი ირონიით გამოხატავდა აუტანელ ტკივილებს, ტანჯვას მძიმე ბედის გამო - მოკლედ, ყველაფერ იმას, რასაც გამვლელ-გამომვლელში

მოწყალების გაღების სურვილი უნდა აღეძრა. აშკარა იყო, გატაცებით თამაშობდა. შეიძლება გვფიქრა, ასეთი აშკარა თვალთმაქცობისა და ყალბი, უცრემლო ტირილის გარეშე რომ „ემუშავა“, მეტ თანამგრძნობს მოიპოვებდაო, მაგრამ არა მას საშოვართან ერთად კიდევ რაღაც სხვაც უნდოდა. თითქოს გეუბნებოდა, - აი, ხომ ხედავ, ვთალლითობ და თუ შეგიძლია, ისე ჩამიარე, რომ შენი გულგრილობის გამო სინანული არ გაგყვასო. გამვლელთა თანაგრძნობის მოპოვებაზე მეტად თითქოს მათი ჯობნება სურდა. უმალ, ეთამაშებოდა გამვლელებს, ვიდრე სთხოვდა. ისე აშკარად ეტყობოდა ჯობნების ეს სურვილი, რომ უმალ, თავიდან მოსაშორებლად ვაძლევდი ხურდას, თუმცა, ვხედავდი, რომ მაბითურებდა. ხელისგულზე ხურდას დავუგდებდი და კიდევ ერთხელ გამიელვებდა მისი პირველი ნახვისთანავე საიდანდაც გაჩენილი ფიქრი, ნეტავ, როგორია თავის მარტონბაში-მეთქი.

ეს იყო და ეს. მეტი - თითქოს არც არაფერი. ამ

ქალბატონის ხანგამოშვებით ხილვა გახლდათ ერთ-ერთი მეორე თუ მესამე რიგის შთაბეჭდილება, რომელთა მსგავსიც მეხსიერების საწყობებში ყოველდღიურად გროვდება და მნიშვნელობათა იქრარქიაში ადგილს მისნაირთა შორის იკავებს - არც განუხებს და არც გახარებს, არც გახსენებას გაურბისარ და არც მონატრებას გრძნობ. უბრალოდ, არის და ეგაა. რაღაც მიზეზის გამო შეიძლება ნამოტივების და ისევ გაქრეს.

ერთ საღამოს იმასაც შევესწარი, როგორ წამოდგა, გამვლელებისკენ ზურგით უხეიროდ მოხრილმა სკამი დაკეცა, იღლიაში ამოიდო, ეჭვიანი და მკაცრი მზერით მიმოიხედა და სწორედ იმ ვითომ ამოგდებული მკლავის საქმიანი, ღონიერი ქნევით წამოვიდა ჩემკენ. სქელ ფეხებს ძალას ატანდა. განურჩეველი მზერით იყურებოდა. ქმენით ჩამიარა და ასაკის, სიმსუჯნისა და ოფლის სუნი დატოვა. კარგახანს ვადევნებდი თვალს, როგორ მიჰქონდა მოტორტმანე სხეული. უცნაური სხეული იყო - სულის მახინჯი და თავისი სიმახინჯით დამთრგუნველი სატუსალო, შენივთებული და ულმობელი ბედისნერა: მოკლე ფეხები, წინ წამოგდებული მუცელი, მსხვილნაკვთება სახე და მორგვივით კისერი. თითქოს იმასაც ვეგდებოდი, თუ რა ვალისა თუ მოვალეობის გამო ვაძლევდი ხურდას. ვალის განცდას, როგორც ჩანს, სწორედ ამ ცხიმითა და ოფლით გაჯერებული სხეული-სატუსალოს ხილვა მიჩნდა.

ჩანს, მისი არსებობა ამ ციკლში იყო ჩაკეტილი: სადღაც თავშესაფარი, დილით ხელის ღონიერი და საქმიანი ქნევით ასფალტის კუთვნილ მონაკეტამდე მისვლა, მეზობელ საქმისნებთან მისალმება, ქუჩაში მთელი დღის გატარება და უკან დაბრუნება. ალბათ, ასეთი ციკლებია, შანსს რომ არ გვაძლევს, შევჩერდეთ და გარედან შევხედოთ საკუთარ თავსაც და იმ გზასაც, რომელსაც კვლავ და კვლავ გავდივართ, იმ მოძრაობებს, რომლებსაც წმინდა ვიტეს როგვაში ჩაჭრილებივით ლამის უნებურად ვიმეორებთ და ასე ნამცეც-ნამცეც გაგვყავს დრო - ტვირთი, რომელიც სადღაც და ოდესალაც მხრებზე დაგვადეს. თუ არა ციკლების ეს ნარკოტიკი, დროის რომელილაც წამი ჩაგვიჭრდა და თავის უსასრულობაში ჩაგვითრევდა - იქ სადაც ჩვენი უსასრულო სიშიშვლე და მარტობაა და კიდევ ზღვრული სიცხადეა ჩვენივე თავის შესახებ, ის სიცხადე, რომელსაც ისევ და ისევ ამ ციკლების მემვეობით გავურბივართ იმ იმედით, რომ დასაწყისასა და დასასრულს შორის რაღაც ისეთი შემოგვხვდება, მყისიერად რომ შეცვლის ყველაფერს და იმ ბედნიერებას მოგვგვრის, ჩვენს დიდ მარტობაში რომ გვეგულება. მანამ კი ბეჯით მონაფეებივით ულუფა-ულუფა ვხარჯავთ მხრებზე აკიდებულ ტვირთს - დროს. საღამოს საწოლთან მიხვალ და ალმოაჩენ, რომ ეს დღეც ჩაგილევია, რომ დრო ულმობელი გარდუვალობით იხარჯება ისევ, რომ არაფრად გაგდებს და შენს დიდ მარტობაში დაგულებული ხატება ისევ მის გარეთ დარჩა.

ჩამოჯდები საწოლზე და გაიფიქრებ, რომ ხვალ ამ დროს ზუსტად ასევე მოხვალ აქ და ზუსტად ასევე იგრძნობ ლოგინის სიგრილეს და კიდევ საიდანლაც შემოპარულ შიშს იმისა, რომ უძილობა შეიძლება მოგეპაროს და მთელი ღამე ძილ-ბურანში გაგატარებინოს: თან ცხადში რომ ხარ და თან სიზმარში და ვერც იქით გასხლტომიხარ და ვერც - აქეთ. ახლა უკვე რაღაც განკარგულებაში ხარ და ის განაგებს, რაც შენს თავს ხდება.

მეორე დილიდან კი ისევ ახალი ციკლი, შანსს რომ გაძლევს, როგორმე გაექცე აქ და ახლა ყოფნის ძრნოლას იმის გამო, რომ უკვე დახარჯული დროის მიუხედავად დიდი მარტობის წიაღში დაგულებული არსებობის სისავსე და სიხარული არ გიგრძნია. მხოლოდ იმედებითა და ილუზიებით თუ მოგიტყუებია თავი, რომ ამ ციკლებში რაღაც ყოვლად მნიშვნელოვანი და ყველასათვის საჭირო იგულისხმება და ერთხელაც იქნება, აღმოაჩენ მას.

და მაინც, უცნაურად დამათრობელია ეს ციკლები თუ ციკლი. ესეც საღამოს ხვნეშით წამოდგება თავისი სხეულის სიმძიმით მორყეული სკამიდან, ტანისამოსა გაისწორებს, თანდათან გათავისუფლდება იმ ნილბისაგან, რომელიც ასობით ადამიანის ყურადების მისაპყრობად ჰქონდა აკრული, ჩამოფერთხავს არტისტულ თვალთმაქობას და გარემომცველების მიმართ გულგრილი დაიძრება სახლისაკენ საიმისოდ, რომ დილიდანვე ხელახლა შეუდგეს საქმეს. შიგადაშივ მზესუმზირის გამყიდველისათვის პროცენტით მიცემულ ვალსაც მოკითხავს, ეგებ, ისინიც მოინახულოს, ვინც მისგან ელოდება ორიოდე კაპიკს; ალბათ, იმ გალოოთებულ კაცსაც მიაკითხავს, ოდესალაც რომ მიენება, ფულს რომ ძალავს და დროდადრო ვნებიანდ მოინევს მისკენ. კარგად იცის, რომ ამის გარეშე ვერც ვერაფერს ეღირსება და ფულს მხოლოდ იმ შემთხვევაში მიიღებს, თუ მის ქალურ ღირსებებს აღიარებს. ისე ესეც ხომ შურისძიებაა?! იმ მავანსაც მიხედავს, მისთანებისაგან რომ კრეფს ფულს და ბრიგადირს ეძახიან. მერე კვლავ მოვა საღამო და კიდევ ერთხელ გაიფიქრებს, რომ ეს დღეც ჩამთავრდა ისე, რომ ლოგინის სიგრილის ერთი შეგრძნებიდან მეორემდე არც არაფერი მომხდარა და თუ დაპყვა ამ ფიქრით მოგვრილ შიშს, მერე აღარც უწერია ძილი. თუმცა, ეგებ, ამ შიშს იოლადაც გაურბის. ის ხომ უკვე ისეთი მოთამაშეა, რომელსაც ძალუძს, ამ შიშსაც გაექცეს თამაშ-თამაშით და თავის ბედისწერასაც თვალი ჩაუკრას. ეს შიშები ჩემისთანების წილია, ვინც ჯერაც თავის სოციალურ ღირსებას ეფერება და თავის თვალთმაქცობაზე თვალს ხუჭავს. უნდა ვაღიარო, ამით მაჯობა მეც და ჩემისთანებსაც და ახლა ნიშნის მოგებით გვეთამაშება ჩვენ, ასეთ სერიოზულებს და საკუთარ ღირსებებში შეეყარებულებს. გაგვაძიორებებს და კისერიც გვიმტკრევია. სხვა ასეულებთან ერთად ჩავივლით და ეგაა.

მაინც რისი თქმა უნდოდათ ამ სხეულის მეშვეობით, როდესაც მას ქმნიდნენ? ვინ იყო ის ულმობელი, რომელმაც თან ვიტრუვიუსის ყველა პროპორცია დაიცვა და თან ეს შემოგვთავაზა? ესეც ხომ, თუ ფეხებს გაშლილა იმგვარად, რომ ტანის სიმაღლე ერთი მეთოხებული შეემცირებინა, ხოლო მკლავებს - ისე, რომ შეუა თითებით შეხებოდა თავის ყველაზე მაღალ წერტილს, მაშინ ჭიპი ალმოჩნდებოდა იმ წრეხაზის ცენტრში, გაშლილი კიდურების ბოლოებით რომ შეიქმნებოდა და წვივებს შორის სივრცე ტოლფერდა სამკუთხედად მოგვევლინებოდა. მის გამლილ მელავებს შორის მოქცეული მანძილი მისივე სიმაღლის, ხოლო საქოჩიდან ნიკაპის ყველაზე დაბალ წერტილამდე მანძილი მისი სიმაღლის მეათედი იქნებოდა. ასე და ასე (ისევ ვიტრუვიუსს თუ მივყვებით) მის სხეულში წრიულ მოხაზულობასაც ალმოვაჩენდით და კვადრატისასაც („თუ ადამიანს გავზომავთ თავიდან ფეხებამდე და ამ ზომას შევადარებთ მისი გაშლილი ხელებით შექმნილ ხაზს, სიგანე სიმაღლის ტოლი ალმოჩნდება“). როგორ მოხერხდა, რომ ამ პროპორციებსა და თანაზომადობაში ტკივილი და უსასობა ჩაბუდებელიყო. ამ სხეულის სიტლანეები და სიმძიმე თითქოს სხვა არაფერი იყო, თუ არა გამოუვალობისა და უსასობის სიმძიმე.

ალბათ, სიუშნოვეშიც არის თავისი კანონზომიერება. მოკლე ფეხები, ნინ გადმოგდებული მუცელი, და დაბერილ თვალებში გაყინული დადარაჯებული მზერა თანხმობაში იყო, ოღონდ ისეთ თანხმობაში, რომლის მიღებაც გვიჭირს. არადა, სწორედ სხეული გამოთქვამს იმას, რასაც ადამიანის ხვედრი ჰქვია. სწორედ გარდუვალ პროპორციებში მოქცეული ნაკვთების რაგვარობაში ჩანს ის გზა, რომელიც მისმა პატრონმა უნდა განვლოს, ან, სხვაგვარად, ის გზა, რომელთანაც ის თავის თავს გააიგივებს და განჩინებულს ნებით თუ უნდებურად ალასრულებს. ასეც ვიტყოდი: ამ სხეულში ის ისევე იმოძრავებს, როგორც - მნერი მებიუსის სიბრტყეზე. ამ სხეულის სუბსტანციით აიგება მისი ცხოვრებაც, გრძნობებიცა და ფიქრებიც.

ჰო, როგორც ჩანს, სწორედ ეს სხეული იყო, მეტალი ჭიატით რომ დაძვრებოდა ჩემს მეხსიერებაში და ელოდა, მისთვის როდის მოვიცლიდი. ამ მცირე, მუდმივი, თითქოს ეფემერული ჭიატის ნინაშე მარტო ხარ და სრულ მარტობაშივე უნდა სცადო მისი მოხელვა. სხვებს მხოლოდ ის შეუძლიათ, მიგანიშნონ, როგორ არ უნდა მოექცე ამ ძახილს, ხოლო ის, თუ როგორ უნდა მოექცე, მთლიანად შენი გონების, გულისა და ნების წყალობით იბადება, იქვე იკარგება, რადგან, როგორც წესი, ალმოჩნდება ხოლმე, რომ ის გაგება, რომელიც მასთან ერთად დაიბადა, მხოლოდ ნიღაბი ყოფილა იმისა, რაც უნდა დაბადებულიყო, რათა კიდევ უფრო მეტი ძალის სმევის ხარჯზე, ძველ ნიღაბთან ალსრულებული მრავალი მაგიური ოპერაციის შემდეგ ახალი ნიღბით

მომვლინებოდა და თანაც იქედან, საიდანაც არც ველოდი. თურმე, კვლავ კარიბჭესთან დარჩენილხარ და ყველაზე მეტი, რაც შეიძლება ინატრო, სწორედ ნიღაბთა კარნავალის აღქმაა და არა მეხსიერების საწყობში განთავსებული რომელიმე ნიღბის ისტურიული და არქისერიოზული ერთგულება. რომ ეს კარნავალია სწორედის, რასაც მდინარის პირას ქვიშაში მოთამაშე ბავშვი მიეცემა მას შემდეგ, რაც ნიღაბთა სიმძიმესა და შეუვალობას გაერიდება, შესცინებს და სადღაც და ოდესალაც აკიდებული ტვირთისგანაც გათავისუფლდება.

ამ ვითარებაში სხვა რა შემიძლია, თუ არა ის, რომ კვლავ და კვლავ მივუბრუნდე მას იმის იმედით, რომ კიდევ ერთხელ ვიგრძნო გაგების კარიბჭესთან ყოფნის, რაღაც უსასრულოდ ნაცნობთან შეხვედრის მტკიცნეული ხიბლი და შემდეგ კვლავ დავშორდე მას. თავად კარიბჭესთან ყოფნის ჰიპნოზურობაა ის, რაც შეიძლება მეძახოდეს, თუ შეიძლება ითქვას - კარიბჭესთან ყოფნის მტკიცნეული ყოვლადსისავსე. კარიბჭემდე კი ეს სხეულია, ჩემს მეხსიერებაში ადგილი რომ მოუპოვებია და სხვას არაფერს უშვებს თავისთან.

მცირე ხანში ეს ქალბატონი მხარსაც აღარ იგდებდა და, უბრალოდ, შებლაოდა გამვლელებს. თვალებს მოჭუტავდა, სახეს მოიქცევდა და ისე ნამოიძახებდა ხოლმე დაუკავშირებელ სიტყვებსა და ფრაზებს. მაინც არავინ დაუგდებდა ყურს. მთავარია, გამვლელის წამიერი ყურადღებისათვის უსაზღვრო გაჭირვება და სასონარკვეთა შეეფეთებინა და კიდევ რამდენიმე მოწყალების გაღების სურვილის აღმდვრელი ფრაზა: „ჩემი საბრალო ცხოვრება“, „უბედურება თან დამდეგს“, „ლმერთი გიშველით“ და მსგავსი. ზოგჯერ ცოტა ხნით შეჩერდებოდა, რომელიმე მეზობელს რაღაცას გადაულაპარაკებდა და მერე ისევ წამოიბლავლებდა.

მალე ასფალტზეც აღარ ჯდებოდა. პატარა დასაკეც სკამზე განთავსდებოდა, მოკლე, სქელ ფეხებს ულაზათოდ გაშლილა და ხმაჩალეჩილი ისე ისროდა სიტყვებს, ერთდროულად სიმღერაც გეგმნებოდა და ტირილიც. ხშირად მხოლოდ ხმას გამოსცემდა, რაღაც ხმადაბალი ბლავილის მსგავსს და გადარაჯებული მზერით უცქერდა გამვლელებს. უჩვეულო ხმას გამოსცემდა - აი, ისეთს, თითქმის რომ არ ეტყობა, მის პატრონს ოდესმე მის დახვენაზე ეზრუნოს. უბრალოდ, ხმას გამოსცემდა და ეგ იყო. რომელილაც ცხოველისა თუ ფრინველის ხმა ჰქონდა. ასეთი ხმები, ალბათ, ჩვენს შორეულ წინაპრებს ჰქონდათ, ვისთვისაც მეტყველება, უმალ, გრძნობების გაზვიადებული გამოხატვის საშუალება იყო, ვიდრე აზრისა ან, უბრალოდ, განწყობისა. ეს უფრო საკუთარი არსებობის შესახებ განცხადება იყო. ასეთ ხმას, თითქმის რომელილაც ჩემთვის უცნობი ფრინველი უნდა გამოსცემდეს, ერთ-ერთი იმათგანი, უფალმა ადამინის შექმნამდე რომ გააჩინა, როგორც

მისი ერთ-ერთი პირველსახე სხვა პირველსახე-თა შორის. სხეულთან ერთად ხომ ხმაც იხვეწებოდა, რადგან ეს ყველაზე გვიან შექმნილი არ-სება ყველაზე ახლოს უნდა ყოფილიყო უფალთან, იმდენად ახლოს, რომ ხანგამოშვებით მისი მოდგმის რომელიღაც წარმომადგენელს თავის შემოქმედთან მიბრუნება უნდა მოეხერხებინა სხეულთან ერთად ხმის დათრგუნვით - შესაბა-მისად, მარხვასა და მდუმარებაში. მართალია, სხეულსა და მის მიერ გამოცემულ ხმას შორის არ არსებობს მკაცრად განსაზღვრული, ცალსა-სა კავშირი და მშვენიერი სხეული ჯერ კიდევ არ ნიშნავს მშვენიერ ხმას, მაგრამ ამ სხეულისაგან სხვაგვარი ხმა მაინც ვერ წარმომედგინა. გამო-მეტყველება, რომლითაც ის იცემირებოდა, უბრა-ლოდ, სხვა ხმად ვერ გამუდავნდებოდა. მისი სხე-ულიც მხოლოდ ამგვარს თუ შეითავსებდა, მხო-ლოდ ასე თუ გამოხატვდა ხმის გამომცემ ასო-თა ვიძრაციებად გარდაქმნილ გრძნობებს და შე-იძლება, შევმკრთალიყავი კიდეც, ქალის რბილი, შემპარავი და, თუ შეიძლება ითქვას, ჰიპნოტუ-რი ხმა რომ გამეგო.

და ასე, ამ ლამის დაუფარავი დაცინვით, ყალ-ბი თეატრალური პათეტიკით გათამაშებული წარ-მოდგინით გვაძიულებდა, ქრისტიანული სათნო-ების თუ მოწყალების ნიღბები მოგვემარჯვებინა. ცხადია, ხურდის მიმცემთა შორის გულწრფელად შენუხებულებიც იყვნენ, მაგრამ მისთვის ასეთე-ბი, ალბათ, არც იყვნენ საინტერესო. უფრო მე-ტიც, ასეთები, ალბათ, მასვე ანუხებდნენ - ისევე, როგორც უმანკოების შერყვნა ან ვინმე გულუბ-რყილო ნდობის გამოყენება ანუხებს თუნდაც გამოუსწორებელ თაღლითს. გაცილებით უფრო საინტერესოები იყვნენ ისინი, ვინც გრძნობდა, რომ აბითურებდნენ, მაგრამ პასუხად ზერელე თანაგრძნობის მომარჯვების მეტს ვერაფერს ახერხებდა და უნებურად ამ წარმოდგენის მონა-ნილე ხდებოდა. მთავარი, ალბათ, ძალაუფლების მოპოვების ეს აქტი იყო და არა მხოლოდ ფულის შოვნა და ქუჩაშიც დიდწილად, ალბათ, ის ამ უც-ნაური წარმოდგენის გამართვის სურვილს, ძალა-უფლების ამგვარი უცნაური წესით მოპოვების იმედს გამოჰყავდა.

მოკლედ, ეს ქალბატონი თითქმის არც მაღავ-და, რომ თვალთმაქცი იყო და, როგორც ვთქვი, დროდადრო მომექალებოდა ხოლმე სურვილი, არ დაყოლოდი ამ დაუფარავ გაბითურებას. მას კი გუნებაში მხოლოდ თუ გაეცინებოდა ამაზე. ჯერ ერთი, ის ხომ არასოდეს „მუშაობდა“ რომელიმე კონკრეტულ გამვლელზე. მხედველობაში ყველა, ან, უფრო სწორად, ის აბსტრაქტული გამვლელი ჰყავდა, იოლად რომ ემორჩილება პირობითობებ-სა და თამაშის წესებს. ასეთებია კაცობრიობის ყველა უბედურების წყარო, სწორედ ასეთებს ეყ-რდნობიან ათასი ჯურის დემაგოგები და ავანტი-ურისტები. როგორც ჩანს, არსებობს ყოველ ჩვენ-განში განაბული პატარა იდიოტი, სულის კოლ-

ბებში სათუთად ნაზარდი და ზერელე პირობი-თობებით გამონაკვები ბრიყვი ჰომუნკულუსი, რომლისთვისაც არ არსებობს განსხვავება მოწყა-ლებასა და უფლის თუ საკუთარი თავის ნინაშე თავის მოწონების წადილს შორის და ვისაც ამ ქალბატონის დანახვა სინამდვილეში იმიტომ გა-უხარდებოდა, რომ საკუთარი სოციალური ლირ-სების შეგრძნების შანსი ეძლეოდა.

ჰოდა, მეც ხომ ერთი ვიყავი მსგავს მრავალ-თა შორის. ისიცაა, ვთქვათ, გავჯიუტებულიყავი და მისთვის ყურადღება არ მიმექცია. მხოლოდ თუ გაეცინებოდა, რადგან იცოდა, რომ მისთვის ფულის მიცემით ერთხელ მაინც მოვსინჯვე საკუ-თარი ღირსების, უფლისთვის თავის მოწონებისა და ყოველივე ამის თანამდევი სინანულისა თუ გა-ორების გემო, უკვე ჩათრეული ვყავდი თამაშში. რომ მომექერხებინა კიდეც, სულ მალე დამდლი-და ჩემი გაჯიუტება და სიავე - სიავეც ხომ გლობის ადამიანს - და ისევ მორჩილად მოვჩიხიცავდი ჯი-ბეში წვრილ ფულს. ბოლოს და ბოლოს, ეს გაო-რებული ფიქრებისაგან თავის დაღწევაშიც მშვე-ლოდა. მან ეს ყველაფერი იცოდა. ასეთებმა ყო-ველთვის ჩვენზე კარგად იციან ყველა ჩვენი სი-სუსტე და ეჭვი, იციან, რა ვნებიანად შეიძლება გავეხვიოთ გაორებულ და გასამებულ ფიქრებსა და ხატებებში და ისიც იციან, რომ შედეგი ყო-ველთვის ჩვენი დანებება იქნება.

მაინც, როგორი იყო თავის დიდ მარტოობაში-მეტქი, სულის იმ იდუმალ კუნჭულში, სადაც წა-მიერად მაინც გათავისუფლდებოდა, რაც ხვედ-რით განეჩინა და საიდანაც პინოქიოსავით გარე-დან შეეძლო დაეთვალიერებინა - თანაც, ვინძლო, უკვე კეთილი მზერით - თავისი სხეული და ამ სხეულის თანაზომადი ფიქრები და ვნებები? ჩვენ ხომ იმთავითვე გვეგულება რაღაც უაღრესად სა-კუთრივი ადგილი ჩვენი ყოფნისა, ჩვენი იდუმა-ლი მარტოობა, რაღაც მადლად რომ მოგვცემია და სადაც თავს უფლისნულებად ვგრძნობთ. ხო-ლო ის, რაც ჩვენი სხეულის, ფიქრებისა და ვნებე-ბის ცოცხალი კავშირითა და სხვების კარნახით იბადება, მხოლოდ გზაა, რომელსაც ჩვენივე იდუ-მალი მარტოობა გადის და ამ უკანასკნელს სხვაგ-ვარად ხვედრს თუ ბედისწერაც ვუწოდებთ. ჰო-და, სწორედ ეს აზრი გამირბენდა ხოლმე, ნეტაც როგორია ამ თავისი ხვედრის გარეშე-მეტქი? პირ-ველ რიგში სწორედ მას სჭირდებოდა თავისი დი-დი მარტოობა, შვებით რომ შეაფარებდა თავს. ან, ეგებ, ისე ჩაიკეტა სხეულის ტყვეობაში, რომ მის გარეშე არსებობა ალარც ეგულება და თუკი რაი-მე დარჩა, მხოლოდ ამ სხეულის მიღმა ასებული უცხო და ულმობელი სამყაროა? თუ მისთვის ეს მხოლოდ ასეა, ალბათ, თავადვე გაურბის თავის დიდ მარტოობას და ისევ გადარაჯებული მზერი-სა და თაღლითის თვითკამაყოფილების ნიღბით ამჯობინებს არსებობას. თავისი დიდი მარტოო-ბით კი არ იცავს თავს, არამედ ნიღბით, რომლის გარეშეც მხოლოდ განდევნის ტკიფილია თუ შერ-განში განაბული პატარა იდიოტი, სულის კოლ-



ჰო, ჩემი ბოგანოს ცქერამ გამახსენა, თუ სხეული, როგორც შენივთული თვითობა, იმთავითვე როგორ განსაზღვრავს ფიქრების, განცდებისა და ნებელობის ჰორიზონტს. მთელი ჩემი სხეულია აზროვნებისა და გრძნობის ორგანო და ნებელობის წყარო. ამიტომაც ჰგავს ადამიანი საკუთარ აზრებს და, პირიქით, აზრები ჰგვანან ადამიანს. მისი სხეულის კონტურებში თითქოს იმთავითვე შეიძლება მისი ფიქრებისა და განცდების მდინარების ამოცნობა. ამიტომაცაა, რომ ბედისწერა არ არის მხოლოდ გარედან შემომთხვეული რამ, იგი, პირველ რიგში, ეს უსაკუთრივესი ნივთია, რომელიც, პირიქით, იქეთ განსაზღვრავს ჩემგან გამომავალსაც და ჩემთან შემომთხვეულსაც. ამ ჩაკეტილი წრიდან თავის დაღნევა, ალბათ, მხოლოდ მნინდანებს თუ შეუძლიათ.

ამით, ჩვენი სხეული ის კომპრაჩიკოსის ქოთანია, რომლის ყალიბშიც ექცევა აღქმულიც და გამოთქმულიც. ერთი და იგივე ვარსკვლავიერი ცათავისი იდუმალებით ვიღაცაში იდუმალ, მეტაფიზიკურ ძრწოლას აღძრავს და აიძულებს, დაუნჯებულმა, საკუთარი სულის ვიბრაციებში იდუმალი უწყება ამოიცნოს, ვიღაც კი ამავე იდუმალების შეგრძნებით ფრთაშესხმული რაიმე ბანალურ სისულელეს გააკეთებინებს, ან კიდევ ჩემი ბოგანოსავით იდუმალი მხერიბით ფრთაშესხმული დაანწყებინებს თავის სამუშაო დღეს. ნება და სხეული ერთიანად განსაზღვრავენ, თუ რა ენაზე ითარგმნება ეს იდუმალი მეტაფიზიკური თრთოლა.

სხეული თითქოს თავმოყრაა მთელი იმ თავ-გადასავლებისა და ხდომილებებისა, რომლებიც უკვე გაგივლია, ან რომელთაც მომავალში გაივლი და ეს გზა მხოლოდ მის გაცვეთასთან ერთად თუ ჩამთავრდება. იგი ადამიანური ბედისწერის საიდუმლოს ინახავს და ხან რაღაც შენიღბული ფიქრების, ხან კიდევ ტკივილისა თუ ავადმყოფობის სახით აგზავნის უწყებას მის შესახებ.

რაც უფრო უახლოვდები შენი არსებობის ძენისისულ წერტილს, მით უფრო ნათლად იაზრებ, რომ შენ და შენი სხეული ერთნი არა ხართ. იგი თითქოს შენი ნაშთი ხდება, შენი ნარსულის საწყობი, მთელი იმ გზისა, რომელიც შენ განვლე. შენი ნარსულის ფიქრებსა და განცდებს შეუცვლიათ იგი, გაუცვეთიათ და დაუღლიათ. სწორედ რომ ნარსულისა. სენი, რომელიც მის რომელიდაც წერტილში იწყებს ციალს და ნელ-ნელა ვრცელდება მთელს ხეულში, თითქოს სხვა არაფერია, თუ არა ნარსულის მთავარი თავმოყრის წერტილი. იგი აქ არის, იმ მე-ნივთში, რომელიც თითქოს შენ გეკუთვნოდა, მაგრამ, თურმე, ამასთანავე შენი ბედისწერის საკუთრება იყო და შენ და შენი ბედისწერია ერთად ძერწავდი თმას. ჰოდა, სენიც აქ იძუდებს. იგი ისევეა „შენი“, როგორც სხეული. იგი უსაკუთრივესად შენია. რაღაც უცნაური წესით მე საკუთარი სენის შემოქმედი ვარ. ჩემი სენი ჩემივე კონცენტრირებული რაობაა, რომელსაც მანამდე მხოლოდ სხეულის კონტურებით, ხმითა და სუნით გამოვთქვამდი.

სხეულის ცვეთა დასტურია იმისა, რომ ჩემმა ნარსულმა დაქანცა იგი, ხოლო აწყოს მანათობელი წერტილი ვეღარ შეაქვს მასში. ნარსულმა დახარჯა ის, რაც მაღლად მიეცა და სხვა გზა არ არის, ახლა სხვა საბინადრო უნდა ეძიოს. სიკვდილი სხვა საბინადროში გადასახლებაა და კიდევ თავის დაღნევა იმ ყროლისაგან, რომელიც ნარსულმა დააყენა. სიკვდილი თავის დაღნევაა საკუთარი ნარსულისაგან, მაშინ, როდესაც სხვაგვარად ვეღარ დაგიღნევია თავი და უფალი გენ-ვევა და გიხსნის. და სხვა არაფერი გრჩება, თუ არა სინაული და სირცევილი საკუთარი სხეულის გამო, რომელსაც უკვე სიხარულით უთმობ ყოვლისდამტევ და ყოვლისმომცველ მინას. ისიც იწოვს მას და განაქარებს, თუმცა კი რჩება ერთი რამ, რომელიც არ უნდა განქარდეს და არ უნდა შეიმუსროს: შენი ძვალი, როგორც დასტური შენი ამგვეყნად ყოფნისა. სუნი და ხორცი ერთად იწოვება მინაში და რჩება შენი ძვალი, რომელიც არ უნდა შეიმუსროს.

ყველაფერი ეს, ალბათ, იმაზე მისანიშნებლად ვთქვი, თუ ამ ტლანტი და უფორმო სხეულის ფორმასა და სუნს, ამ დამცინავ მზერას და ისტორიამ-დელი მტაცებელი ფრინველის ამ ხმას როგორ შეიძლებოდა ეშვა ეს ჰიპერტონიური ირებული არტისტიზმი. ამით იმაზეც მინდოდა მიმენიშნებინა, როგორ ჩნდებოდა ჩემი კველმოქმედებაც. რა უცნაურია სამყარო და როგორ შეიძლება, ამ უცნაური არსებების ათასეულებიდან სოციალური დარვინიზმის გზით დიადი არტისტები იშვან, დიადი მსახიობები თუ თვალთმაქცები და რომ პირველსახე ამ დიადი ადამიანებისა, ისევე, როგორც ნებისმიერი იმისა, ვინც სანახაობისა და გართობის ნარმობით ცდილობს ლუქმა-პურის შოვნას, ამ ათასეულებშია, პირველებმა რომ სცადეს გამვლელ-გამომვლელთა ყურადღების მიპყრობა, პირველებმა რომ სცადეს, მათში სიბრალული, თანაგრძნობა თუ, უბრალოდ, კეთილი განწყობა აღეძრათ - ამ საბრალო ათასეულებში, ვისთვისაც ცხოვრება დაუძლეველ ამოცანად იქცა და ახლა ლამის დაუფარავი ცინიზმით იძებებ შურს მათზე, ვისაც ბედმა იოლი არსებობა არგუნა. ალბათ, სპონტანურად სწორედ ამ ბოგანო ათასეულებში ჩნდება არტისტული ოსტატობის პირველი ნიმუშები, რომლებიც შემდეგ უკვე სოციალური დარვინიზმის გზით ერთეულებს უკიდურეს დახვეწილობამ-დე მიჰყავთ და ამით აღასრულებენ ათასეულთათვის აღუსრულებელ ამოცანას - როგორმე სხვა ადამიანებივით განთავსდნენ არსებობაში. ან, იქნებ, არცა აქვთ ეს ამოცანა და თავისთავად ამ ბოგანო არსებობაშიც არის რაღაც ისეთი ხიბლი, რომელსაც რიგითი მოქალაქის ყოველდღიური არსებობა ვერ შეცვლის - სოციალურ პირობითობებსა და კონვენციებზე უარის თქმის, სოციალური ასოციაციებისაგან თავისუფლების, ტერმიტის მსგავსი სოციალიზაციისაგან უარის თქმის ხიბლი და, ვინდლო, ბედნიერებაც, ხოლო ისინი, ვინც

ზემონახსენები სოციალური დარვინიზმის შედეგად ჩნდებიან, უბრალოდ, უარყოფენ თავის წინამორბედთა ამ ძირეულ მისნრაფებას. ვინ იცის, იქნება, ასედაც არის და მათი სიბრალული ისეთივე აბსურდულია, როგორიც მეძავისა თუ ბაცაცასი, რადგან არ შეიძლება გებრალებოდეს ადამიანი, ვინც თავისუფლების რაღაც, თუნდაც მარგინალური განზომილება მოიპოვა და ახლა ნარკოტიკული თრობით მისცემია მას.


ასე იყო თუ ისე, ამ ქალბატონმა რიტუალში ჩამითრია. ჩვენი არსებობაც, ალბათ, ასეთი რიტუალური პირობითობებისაგან შედგება და სხვაგვარად ჩვენი თანაყოფნა ვერც აიგება. სოკრატეც ხომ იმიტომ არ განიდენა, რომ რაიმე ალტერნატიულ თუ ზღვრულ ჭეშმარიტებას ატარებდა, არამედ, უბრალოდ, იმთავითვე უარი თქვა აზრის საყოველთაოდ მიღებულ რიტუალურ პირობითობებზე და მეტი არაფერი?! მას არც კი უფიქრია ახალი ცისა და ახალი ქვეყნის შესახებ ექადაგა და ერთადერთი, რაც ენადა, ის იყო, რომ რიტუალური პირობითობებით ნაგები კომპრაჩიკოსის ქოთანი ემხილებინა. უბრალოდ, ვერც მან და ვერც სხვა მისთანხება ვერ გაითვალისწინეს, ამ პირობითობების მიზანია არა ჭეშმარიტება, არამედ კონტექსტის კომფორტი. ამგვარი კომფორტით თუ ვიოკებთ გონების იმ მშფოთვარე და მუდამ ჯანყისთვის გამზადებულ კუნტულებს, მოსვენებას რომ არ გვაძლევენ და დღისით და ლამით თვალთმაჯურებაში გვამხელენ - სულ მცირე ხნით, მაგრამ - მაინც. პოდა, ამ ქალბატონმაც იცოდა ეს და კატათაგვობანას გვეთამაშებოდა. ამგვარება ყველაზე კარგად იციან, რა ფასი აქეს ჩვენს მცდელობას, გავთავისუფლდეთ და ისე მოვიქცეთ, როგორც ამას ჩვენგან ჩვენი სულის მშფოთვარე უბნები მოითხოვენ. ვითომც, გულდანკუცეტილი დაგვადევნებს სევდიან მზერას, რომელშიც მსხვერპლის დანახვაზე განაბული წვრილი მტაცებლის ნაპერნები მოუხელთებლად დაქრის. თითქოს გვიშვებს და გვათავისუფლებს კიდეც, თუმცა იცის, რომ სულ მალე მომზყინდება გონების აჯანყებული კუნტულების ურიამულიც, კონტექსტიდან გაქცევისთვის ბრძოლაც და ისევ მიკუდრუნდები მას - სხვებთან რიტუალურ პირობითობებში თანაარსებობის კომფორტულ წილს. პოდა, რა ძალა ჰქონდა, ჩამჭიდებოდა და ასე გავეხსადე იძულებული, ჯიბისკენ წამეღო ხელი? იმ წამს კი მიაღწევდა მიზანს, მაგრამ სამუდამოდ დამკარგავდა?! განა, არ ჯობდა, საკუთარი გულგრილობით შეძრული ჩემივე ნებით მივბრუნებოდი რიტუალს და შერიგების ნიშნად მცირედი ხარეც გამეღო?! მოკლედ, ის გაცილებით ბრძენი იყო, ვიდრე შეიძლება გეფიქრა კაცს და მისი ყალბი არტისტიზმიც სალოისური ნილაბი იყო ამ სიბრძნისა, ოდესაც და სადღაც სარკის წინ მყოფმა რომ მოიპოვა: დაიქცეს ის დღე, როცა მე გავჩნდი, და ღამე, როცა ითქვა, კაცი ჩაისახაო! დაბნელდეს ის დღე, ალარ მოხედოს მას უფალმა ზეგარდამო, აღარ

ინათოს მასზე ნათელმა. მოიცვას წყვდიადმა და აჩრდილმა სიკვდილისა, ღრუბელი გადაეფაროს, თავზე და დღის სიმავემ შეაძრნუნოს... რომ საშოშივე არ ჩამიკეტა კარი და არ განმარიდა ამ სატანჯველს!

პოდა, ეს რომ ვიცოდი, ამიტომაც იყო ამამი ჩემი ყველა მცდელობა, რიტუალს გავცეოდი, რადგან ამ წამოძახილის წინაშე ისეთივე უძლური იყვნენ გონების მოჯანყე კუნტულები, როგორც იობის მეგობრების დაუსრულებელი ბჭობა იმის შესახებ, თუ რატომ მოუვლინა უფალმა მას ასეთი ხვედრი. არის რაღაც, რის წინაშეც ხევდება ყოველივე: სალი აზრიც, თავისუფლების წყურვილიც, თვითკამაყოფილებაც იმის გამო, რომ არც ისე იოლი მოსატყუბელი ხარ და არის რაღაც, რის წინაშეც უძლურია თავისუფლებისა და სოციალური პირობითობებიდან საკუთარ თავთან დაბრუნების წყურვილიც.

ეს იყო მისი მთავარი არგუმენტი და მსურდა თუ არა, რიტუალს ვუბრუნდებოდი და დაუცებრუნდებოდი თუ არა, მზერაში წამსვე დამახვედრებდა გამარჯვებული წვრილი მტაცებლის ნაპერნებალს. ეს იყო ის საბოლოო არგუმენტი, რომელსაც თავს ვერასოდეს დავაღწევდი, თუნდაც კარგად გამეტაზრებინა, თუ რა უგვანად და უკეთურად იშველიებდნენ მას ჩემს წინააღმდეგ, რადგან ვიცოდი, რომ ის, ვინც მას იშველიებს, იმთავითვე მართალია იმ უბრალო მიზეზის გამო, რომ ეს არგუმენტი მას მისმა ხვედრმა არგუნა და ოდესალაც, ალბათ, დიდი სიხარულითაც იტყოდა უარს მასზე. ახლა კი, ვინძლო უკვე გადასული იყო იმ ზღვარს, რომლის შემდეგაც ტანჯვით უგვანი ტკბობა იწყება? ეს ტკბობაც მას თავისმა ხვედრმა არგუნა, ტკბობაც, არტისტული თვალთმაჯურებაც, მოწყალების გალების რიტუალში ჩემი ჩათრევის აზარტიც, მოკლედ, მთელი მისი საჯაროდ გამოტანილი თვითობა.

ასე აღმოგჩნდით ჩვენ ორნი რიტუალური ქცევის ერთ წრეში მოქცეულები, თურმე, სწორედ ეს იყო მისი მიზანი და არა თავის შებრალება ან რაიმე სხვა მსგავსი. ეგებ, მის გულში ჯერაც ჭიატებდა უნიადაგო იმედი, თავისი ბედის მწერალთ დაანახებს, რა მორჩილად და უძრტვინველად აღსრულა მათი განჩინება, ხოლო მე, მსურს თუ არა, გულის სიღრმეში მაინც გამიჩნდება კმაყოფილების გრძნობა გაღებული მოწყალებისა და ოდესებები მომავალში მოსალოდნებული კეთილი ნაცვალების გამო. ერთიცა და მეორეც ჩვენს მომავალს საშნი მასალით უზრუნველვყოფილი და გულის სიღრმეში ორივეს ბავშვურად გვნამდა, ჩვენს დიდ მარტობაში დაგულებული სინამდვილე დადგებოდა და ის შეუდარებლად უკეთესი იქნებოდა იმაზე, რომელშიც ვიყავით; რომ მთავარი ეს იყო, ამ ახალი სამყაროსათვის ადგილის გამზადების, მის გამო მუცლადებების მდგომარეობაში ვვყოფილიყავით მეც და ჩემი ბოგანოც და თუნდაც კუელაფერ ამას ათასი ეჭვი, დაცინვა, ერთმანეთის გამასხრება თუ ფარულ ზრახვათა სააშკარაოზე გამოტანა



ახლდა, მაინც კარგი იყო. მთავარია, ეს სასურველი მომზადელი სწორედ მაშინ დადგეს, როდესაც მისი საშენი მასალა ბოლო მარცვლამდე გვექნება გამზადებული. ჰოდა, გვეთვალთმაქცა მე და ჩემს ბოგანოს, მერე რა?! მთავარია, თავი მაინც მოვთქმუოთ, რომ ამით მომავალს ვქმნით.

მოკლედ, მეც ვთვალთმაქცობდი და იგიც ეგებ, იგი უფრო გულწრფელიც იყო თავის თვალთმაქცობაში? თავისი ნამდვილი არსებობა, თავისი დიდი მარტოობა ხომ, ალბათ, სადღაც სხვაგან ეგულებოდა - ამ ნიღბისა და რიტუალის მიღმა. ნიღბით კი მხოლოდ თავს იცავს, მხოლოდ იმას ცდილობს, გადაურჩეს თავსდამტყყდარ გარემოებებს, თავის გარეგნობას თუ გარემომცველთა გულგრილობას, დალლილობას, რომელიც მისი ასაკისა და ბედის ადამიანს ყოველ უჯრედში უნდა ჰქონდა გამჯდარი, ადამიანებს, რომლებიც ვერასოდეს შენიშვნავდნენ დედოფალს მის სხეულში და მათზე შურს იძიებდა იმით, რომ ამ უცნაურ რიტუალში ითვევდა - თანაც ისე, რომ მისთვის ნამიერი თვალის შევლების განმავლობაში ვერც კი ასწრებდნენ ამის გააზრებას - მაშინაც კი, როდესაც დაცინვის ნაპერნეალს შეამჩნევდნენ მზერაში, დაცინვას, ან კიდევ - უსასრულო გულგრილობას, სიძულვილში გადასულ შურს ან რაიმე მსგავსს. ჩვენ ყველანი მისთვის ხომ ლამის უსიცოცხლო საგნები ვიყავით, რომლისთვისაც ხელი უნდა ჩაევლო, ორიოდე ნამის განმავლობაში თავის ჭუაზე ეტარებინა და ისევ მიეშვა ისე, რომ ალარც მას და ალარც მის მსხვერპლს ალარ უნდა ხსომებოდა მომხდარი. ლამის შეუმჩნევლად შემოიტყუებდა და გაისტუმრებდა. მართალია, გამვლელთაგან მხოლოდ ნაწილი თუ დაჭვებოდა მის ნებას და ჩაერთვებოდა ამ სახიობაში, მაგრამ სწორედ ამას ჰქონდა ფასი - იმ ერთეულებს, რომლებიც მისი ნებით ისე ალასრულებდნენ თავის როლს, რომ ვერც კი გაიაზრებდნენ ამას. სწორედ ეს ერთეულები - და მეც ხშირად მათ შორის - უდასტურებდნენ გამარჯვებას, მას, სოციალური სივრცის პერიფერიაზე თუ სოციალური პირამიდის ძირში გადასროლილ არსებას, სადღაც გარეთ რომ დარჩენილიყო სხვა თავისნაირებთან ერთად. ამ ამაყად მავალ, საკუთარი ლირსების გრძნობით გაჯერე-

ბულ, კარგად გამოწყობილ გამვლელებს წამიერად მაინც ათამაშებდა თავის ჭუაზე და მხოლოდ მან და მისნაირებმა თუ იცოდნენ, რა ფასი აქვს ასეთ გამარჯვებას.

ჩემი დიდი მარტოობიდან კი ისევ და ისევ გაისმის იმედიანი ხმა: ეგებ, მთავარი მაშინ ხდება, როდესაც შევძლებ და მეორე ადამიანში ამოვიცნობ იმ გზას, რომელსაც ის გადის: გზას საგნებისა, ადამიანებისა, მოვლენებისა, გზას საკუთარი სხეულისა, გადის იმ ბილიკებს, რომლებიც სადღაც და ოდესლაც მონიშნეს იობმა, აპასფერმა, რიჩარდ გლოსტერმა და თავად მაცხოვარმაც. ეგებ, მისი მევეობითაც ცდილობს ეს უკანასკნელი თავისი გზა განვლოს? ეგებ, ჩვენ ყველანი - გვსურს თუ არა - გავდივართ ამ გზას, ჩვენ ყველანი ერთ მშვენიერ წამს სასონარკვეთით შევძახებთ: მამავ, მამავ, რაიზედ დამიტევე მე და ისე მივნებდებით ულმობელ განჩინებას, რათა სწორედ იმ დროს, როდესაც ჩვენს გარშემო წყვდიადი სრული შთანთქმით გვემუქრება, ვილაცის მევეობით მოვლენილმა მაცხოვრის მზერამ გვიხსნას - ოლონდ ვიღაცის სხეულის, ფირქებისა და ცხოვრების ბილიკებით მომავალი მაცხოვრისამ. და მეც შევცერი ამ სხვას და, ეგებ, ისიც მოვახერხო, აპასფერივით უარი არ ვუთხრა თანალმობაზე. ამით ყოველი ადამიანი, ვისაც კი ვევდები, შანსია ჩემთვის, რომ მაცხოვრის მარადიული სვლის თანაზიარი ვიყო, შანსია იმისა, რომ თავი დავალნიო ნაყოფი საკუთარი თავი? ამავდროულად, ეს შანსია იმისა, რომ იმას, ვისაც უფალი მახვედრებს, ჩემი „ნათელი ჭეშმარიტის“ მეშვეობით შევუმსუბუქრ ჯვარცმის ტყივილიცა და აღდგომაც? აპასფერი ის საფრთხეა, რომელსაც მე ჩემი გულგრილობითა და მონობითა ვინახავ საკუთარ თავში და ხშირად რუდუნებითაც კი ვზრდი ჩემი სილაჩრისა და სინუქის გამო. გზაზე, რომელსაც გავდივარ, უამრავი ადამიანი მხვდება აპასფერად და უამრავ ადამიანს ვხვდები მე აპასფერად, თუმცა კი მთავარი ის ერთი მცირე წამია, როდესაც შევძლებ და მაცხოვრის მზერით შევხედავ მას და ბორკილებს შევუხსნი..

გატაცებით, როგორც ხსნას, მივყვებოდი ამგვარ ფიქრებს. ვინ იცის, ეგებ, ამ ტლანქი კონტუ-

რებიდან და თალღითურად მოჭუტული თვალებიდან ის მეთამაშება, ის ეშმაკობს, რათა მეც თვალთმაქცობათა უსასრულო გზაზე დამაყენოს და მანამ მატრიალოს ამ კუნაპეტ მორევში, სანამ მყისიერად ნათელი არ გახდება ჩემთვის, თუ რატომ მარგუნა ბედმა აჰასფერის გზის მოსინჯვა, ეს დაუსრულებელი ხეტიალი საკუთარ ნიღბებს შორის, ეს დაუსრულებელი მცდელობები იმისა, რომ როგორმე რომელიმე ნიღბას ექსტატურად შევერწყა და მოვისვენო? ვინ იცის, იქნებ სწორედ მაშინ, როდესაც ბოგანო თალღითური ლრეჯით მიშვერს ხელს და თან ცდილობს, რომ კარგად დავინახო მისი ამოგდებული მხარი, სწორედ მაშინ, როდესაც თვალებში უკიაფებს დამცინავი ღიმილი იმ ასეულობით გულუბრყვილოს გამო, თამაში რომ აჰყოლიან და ხურდა ჩაუყირიათ მისთვის, სწორედ მაშინ, როდესაც თვალს ვარიდებდი მის უშნოდ გამლილ დაბერებულ ბარძაყებს და მოღელილ ოფლიან და ქონმოდებულ მკერდს, სწორედ მაშინ, როდესაც მისი ასაკმორეული და თალღითობას მორგებული სხეულის სუნი მეცემოდა, სწორედ მაშინ, როდესაც დამცინავ ნაპერნეალს მოვხელავდი კიდევ ერთი მოტყუებულის გამო, ამ ნიღბით სწორედ ის მეთამაშებოდა და მაიძულებდა, საკუთარ ნიღაბთა შორის ხეტიალის მთელი სასონარმკვეთი უსასრულობა, ამ ნიღბებით ნაგებ წრეზე სიარულისა და ნიღბების კალეიდოსკოპის უსასობა მეგრძნო და იმ ნამის სიახლოვეც, როდესაც **თავად** ჩამავლებდა ხელს და მთელი ამ მორევისაგან გათავისუფლებულს უცნობ ბილიკებზე გამიძღვებოდა. ვინ იცის, იქნებ, ასეც იყო და ამ ბოგანოს სახით მომევლინა ის, ვინც უნდა გამომცადოს - არა იმ აზრით, შემიძლია თუ არა გაღება, არამედ შემიძლია თუ არა ამ გაღების შემდეგ ჩემი სულის მოზიმზიმე უფსკრული ვიგრძნო, ის ბზარი, რომელიც ადამის სამოთხიდან განდევნის შემდეგ დამყვა და რომელმაც კიდევ ერთხელ შემახსენა თავი, როდესაც სადღაც და ოდესღაც, ვინ იცის, მრავალჯერაც ჩემს სახლთან ჩავლილსა და ადამიანთა მიერ განწირულს აჰასფერთან ერთად ყორეზე მიყუდების უფლება არ მივეცი. ვინ იცის?! ჰოდა მომესავა ახლა მარადი სიცოცხლე, უფრო კი მარადი ბრუნვა ჩემი სულის კალეიდოსკოპისა და მარადი ცქერა იმ სახე-ნიღბებისა, რომლებშიც ოდესმე გავინივთებულვარ.

დიდხანს ვერ გრძელდებოდა ეს მხსნელი ფიქრები. ამ ქალბატონის დადარაჯებული მზერა განდევნიდა ხოლმე მათ და ჯიუტად მარწმუნებდა, რომ ეს იყო მხოლოდ წარმოდგენა, მხოლოდ და მხოლოდ ერთგვარი სახითა, რომელშიც ორი თვალთმაქცი ვმონანილეობდით, მარტივი ტექნოლოგიით რომ ვცდილობდით ჩვენი მიზნების მიღწევას და სხვა არაფერი. უფრო მეტიც, სხვა რაიმე, აქედან თავის დაღნევის მიმტანი, არც შეიძლებოდა ყოფილიყო. ჩვენ ხომ ჩვენი დროის შვილები ვართ - ტექნოლოგიების ეპოქისა. თუკი წმინდა ისააკ ასური საკუთარი სულის ჯოჯოხეთის-

კენ მიიმართებოდა, რათა მის ნიაღში, თავისი სულის შრეებში ნათლის ციალი წამიერად მოხელა, რაღაც გამოუთქმელის კარიბჭესთან მოსულიყო, ჩვენთვის ეს ტექნოლოგიები თვითძრებული. ჩვენი ეპოქა ახერხებს, ხსნის მთელი ვწებიანი შინაარსი კომფორტის ტექნოლოგიებად და ალგორითმებად დაანანილოს. ის, რასაც ოდესაც სულის ხსნას უწოდებდნენ, ახლა კომფორტია თავისი განმუალებული და წუხილის მინიმუმზე დაყვანილი არსებობით. ჰოდა, ეს ქალბატონიც სხვას რას აკეთებდა? უბრალოდ, საკუთარ თავს გვთავაზობდა საიმისოდ, რომ გაჭირვებულისათვის მონაცემების გაღების ალგორითმში მოვქცეულიყავით, თან ისე, რომ ამაზე ბევრი დრო, ფიქრი და ძალისხმევა არ დაგვეხარჯა, მერე კი კეთილი საქმის აღსრულებით კმაყოფილებს გზა განვევერდო.

ჩვენი ეპოქა რაციონალური კომუნიკაციებისა და საკომუნიკაციო რაციონალიზმის ეპოქაა. კომუნიკაციათა და ალგორითმთა გამართულობა მასში ჭეშმარიტებისაკენ ვწებიან სვლას ცვლის, როდესაც სასონარკვეთა და ტკივილი მუდმივად თნება დაგდევს და მუდმივად ჩაგდახის, რომ რაღაც არ არის წესრიგში და რომ შენი სვლის გზები კიდევ და კიდევ უნდა გადასინჯო. ჩვენს დროში მთავარია, კომუნიკაციათა ტექნოლოგიებს დაეუფლოდ და ისე განთავსდე იმ გიგანტურ ეგალიტარულ მატრიცაში, გლობალური სამყარო რომ ჰქვია. ამ უკანასკნელს მხოლოდ ზღვრამდე ფორმალიზებული კომუნიკაციებითა და ზღვრამდე დახვეწილი ალგორითმებით შეუძლია არსებობა. თუ ვერ მოექცევი ამ ქსელის კონტექსტში და ის განგდევნის, როგორც უცხო სხეულს, როგორც იმგვარ მავანს, რომელიც ვერ დაეუფლა მის ენასა და რიტმს და ყოველ ნაბიჯზე ბორძივობს, ჩერდება, აკვირდება, სწავლობს და ამით სხვებსაც ხელს უშლის; მის არქაულ აზროვნებას ჯერაც ვერ გადაულახავს ჭეშმარიტების ილუზია, ვერ გაუგია, რომ მთავარი ამოცანაა, კომუნიკაციათა ერთიან მნიშვნელზე დაყვანილი პარადიგმების ათვისება და არა ეჭვი, შიში, ირაციონალური მოლოდინები, სინდისის ქენჯნა, მეორე ადამიანის აღმოჩენით მოვცრილი სიხარული, დააშაულის ირაციონალური გრძნობა, სიკვდილის ხსოვნა და ათასი სხვა რამყველაფერი, რაც ხელს უშლის კომფორტს, როგორც სხნას. ამ უკანასკნელს ყოველივე ამის განკურნება თუ არა, დაამება მაინც ძალუძს, ან მათი დავინიყება და საკომუნიკაციო მატრიცის ორულებით ჩანაცვლება. ასე დაიძლევა სიკვდილის შიში კლონიჩენით, სიყვარული - სექსით, სულის მოულოდნელად აუღერებული მეტაფიზიკური ბზარები - ფსიქოანალიტიკური სეანსებით, ხოლო თუ საქმეს ამანაც ვერ უშველა, თუ მეტაფიზიკური ბზარები მოსვენებას არ გვაძლევენ, არსებობს თანამედროვე სამყაროს კიდევ ერთი უნივერსალური პროდუქტი - ე.ნ. „რელიგიური მომსახურეობა“, რომლის შეძენაც ისევე შეიძლება, როგორც კომიქსისა თუ დეტექტივისა.

ეს ქალბატონი სწორედ ამას მთავაზობდა. ამით იგი გლობალური სამყაროს ერთგვარი მისიონერიც კი იყო, თუმცა კი თავად ამის შესახებ არაფერი გაეგებოდა. უბრალოდ, იგი ეპოქის შვილი იყო და სულის ხსნის მარტივ და ოოლად აღსასრულებელ ტექნოლოგიას მთავაზობდა ისევე, როგორც ამას მისი წინამორბედები ათასობით წლის განმავლობაში აკეთებდნენ. უბრალოდ, გლობალურმა სამყარომ დღეს თავის სამსახურში ჩააყენა მისი საქმიანობა, თავისი ელფერი მისცა და თავისი იმპერატივებით დაავალდებულა. მის მიერ გამართულმა სახიობამაც ახლა უკვე ეს გლობალისტური ელფერი შეიძინა და მეც, ცხადია, ხანგამოშვებით წინააღმდეგობას კი გუშევდი, მაგრამ შემდეგ ეპოქის კონტექსტი ისევ თავისკენ გამიტყუებდა ხოლმე. ისევ ჩავიყოფდი ხელს ჯიბეში და გასაღებებსა და ასანთს შორის თითებით ხურდას გამოვარჩევდი.

მოკლედ, ამ ისტორიაში ორნი ვმონაწილეობით. ჩვენ ორნი და კიდევ იყო ის დრო-სივრცე, რომელიც გვაკავშირებდა. ან, ეგებ, ეს დრო-სივრცითი კონტინუუმიც იმის წყალობრივი იყო, რომ ვიყავით ჩვენ და ჩვენი შეხვედრის წყალობით ეძლეოდა არსებობა, როგორც სარკეს, რომელმიც (ახლა უკვე ჩემს დღიდ მარტობაში არ მეშვება იმედი, რომ) ის თავის ანარეკლებს განათავსებს და ამით დასტურს აძლევს თავის არსებობას, თანაც ამ დასტურის უსასრულო და გარდუვალი ვნებით გადმოლვრის თავს მათში. ყოველგვარი არსებობა ხომ ვნებაა და რაოდენ უსასრულო უნდა იყოს ეს ვნება ანარეკლებისათვის სულის ჩაბერვის მეტაფიზიკურ ვითარებებში. ჩვენც ჩვენი შეხვედრით ვადასტურებდით მის ქმედით ვნებას. სწორედ რომ შეხვედრით, რადგან თავადვე ხომ ამბობს, რომ ჭეშმარიტების მატარებელი მხოლოდ ეს შეხვედრა შეიძლება იყოს: რამეთუ სადაცა იყვნენ ორნი გინა სამნი შეკრებულ სახელისა ჩემისათვს, მუნ ვარ მე შორის მათსა. ან ვადასტურებდით და ამით მისი პირველადი სიტყვის დაბაბულობაში ვიყავით ჩართულნი, ან, უბრალოდ, ვცდილობდით ამას, ან, უფრო ხშირად, რამდენადც თავისუფლება მოგვეცა, უბრალოდ, თავს ვიკატუნებდით, ვადასტურებთო. თუმცა რა?! ეს თავის მოკატუნებაც, ეგებ, ირიბად ადასტურებდა იმას, რისთვისაც ის ამ სარკეს ანარეკლებში მთელს თავის არსებას გაიღებდა. თუნდაც, უარი გვეთქვა ამ დასტურზე, ამით ირიბად მაინც დავადასტურებდით იმ კოსმიურ ისტორიას, რომელშიც გავჩენდით, ან, უფრო სწორად, რომლის შესაქმნელადც ჩვენ გაგვაჩინეს. ერთადერთი, რითაც ამ ისტორიის შეწყვეტა შეგვეძლო, თუკი თავს გლობალურ მატრიცას - ლავდიკიის ნელ-თბილ ეკლესიას შევაფარებდით და ისიც აღმოგვაგდებდა პირისაგან მისისა. გახსოვთ? და ანგელოზსა ლავდიკიისა ეკლესისასა მიუწერე, ვითარმედ: ამას იტყვის ამენ, მონამე იგი სარწმუნოდ და ჭეშმარიტი, დასაბამი დაბადებულთა ღმრთისათამ:

ვიცნი საქმენი შენნი, რამეთუ არცა გრილი ხარ და არცა ტფილი. ჯერ-იყო, რაითამცა ანუ გრილი იყავ, ანუ ტფილი. არამედ ესრეთ ნელ-ტფილი ხარ და არც აგრილი, არცა ტფილი. მეგულების აღმოგდებამ შენი პირისაგან ჩემისა. ხოლო სანამ უკიდურეს სიცხესა და უკიდურეს სიცივეს შორის მიმოვიცეოდით, ჯერ კიდევ გვრჩებოდა შესაძლებლობა, რომ მარადიული სასუფევლის რომელიმე სივრცეში აღმოგჩენილიყავით - ან - სამოთხეში, ან კიდევ - ჯოჯოხეთში და ლავდიკიის ეკლესიას - სამუდამოდ ჯოჯოხეთის ჯარიბჭესათან მქროლავ სხვა გულგრილთა სულებს არ შევერთებოდით.

ასე იყო თუ ისე, ერთმანეთს ვეთამაშებით ორი ბოგანო და ორი თალლითი. ასე თვალთვამაქცობდით საკუთარი პატივმოყვარეობისა და (ჩემს დიდ მარტობა მანვდის იმედებს) მის წინაშე. და ასე ვასრულებთ რიტუალს და (იმედი მქონდა), რომ მიუხედავად ჩვენი გაბნეული და მრავალშრიანი მისწრაფებებისა, შედეგად მისი თანაყოფნა ექნებოდა. ერთხელაც შევდლებდი, რომ აპასფერის გულგრილობით ცოტაოდენი ხურდით კი არ მომეშორებინა თავიდან, არამედ, როგორც უკვე ვთქვი, მისი გზა, მისი ხვედრი გამეტარებინა ჩემს გულში, ხოლო მას, ალბათ, იმედი ჰქონდა, რომ ერთხელაც მის ხვედრს ბზარები გაუჩნდებოდა და ამ ბზარებიდან შვება შემოყერებოდა - შვება და ნაცვალგება ათწლეულების განმავლობაში განცდილის გამო. ესაა, ალბათ ყოველგვარი რიტუალის საზრისა. რიტუალი ხომ იწყება იქ, სადაც მე და მას არ ხელგვენიფება საკუთარ თავში მიგნება იმ მყარი რაობისა, სადაც მის მიერ ბოძებული „ნათელი ჭეშმარიტი“ დაივანებდა, სადაც უმნეოა ჩვენი გონება, ნება და გული, სადაც ერთიც, მეორეცა და მესამეც თავისი უძირი შრეების ხილვით შეძრნუნებული ხევდებიან და რიტუალითოდა ახერხებენ, თავი დაალწიობ უსასრულო ვარდანას, უსასრულო დაშვებას სადღაც იმგვარ მღვიმებში სულისა, სადაც აღარაფერი რჩება არც გონებისა, არც ნებისა და არც გულისა. ეგებ, აქედანაა გარდუვალობა იმ რიტუალისა, რომელსაც მე და იგი ვასრულებთ საკუთარი მეტაფიზიკურ ღირსებისა თუ მნიშვნელობის შეგრძნებით მთვრალი მავანი მღვდლის ხელმძღვანელობით, თუ - მის გარეშე. აქედანაა ის ფარული იმედი, რომელიც დაგვდევს მასაც და მეც. რადგან თუ არა მისი თვალი, რომელიც, ამავდროულად მისი შემოქმედი ხელია, მებიუსის სიბრტყეზე სახეტიალოდ ვიქნებოდით განწირებით, ან უფრო სწორად, რიტუალი ჩემი და ამ ქალბატონის გარდუვალი უმნეობის თანამდევი რამ არის, ისაა, რაც არსებობას გვინარჩუნებს და უფსკრულში ჩამვების საშუალებას არ გვაძლევს, თორებ მხოლოდ ჩვენი გონება, ნება და გრძნობა რომ იყოს, რუბენსის რომაელი ჯარისკაციით წაუქძლებოდით მას გოლგოთისაკენ, ან, ბოსხისეული მღვდელელივით, ჯვარცმას ღვთისმსახურებად ნარმოვიდგენდით და სხვებსაც მოვუნოდებდით. თუმცა, რა?! ჩვენ, მე და ის ხომ მუდმივად ან ერთს

ვაკეთებთ ან - მეორეს, და მისი ეშმაკობის წყალობით ერთიცა და მეორეც ჯვარცმისა და აღ-დგომის იდუმალ რიტუალად და მისტერიად იქცევა. და ასე გამოდის, რომ იგი მაინც მიგვიძლვის წინ, რათა ჩვენი სივის წყალობით მაინც აღას-რულოს კეთილი საქმე, შემდეგ ამ კეთილ საქმეში დაგვავანოს და კიდევ ერთი საყრდენი მოგვცეს, რათა საკუთარი სულის რომელილაც მღვიმეში არ მივიკარგოთ. ჭეშმარიტი ბოგანო და უსახლეკარო სწორედ იგია, უსასრულოდ დახეტიალობს ჩემსა და ბოგანოს შორის, არა აქუს, თავი სადა მიიყუდოს და ორი აპასფერის მიერ აღსრულებული სიქ-ველისა თუ თავის დამცრობის რიტუალით ცდილობს, თავისი თავშესაფარი მოქსოვოს.

ვუცეკრდი ამ სხეულს და ვფიქრობდი იმ ბილიკებზე, რომელიც უნდა განვლოს მარადიულმა ჭაბუკამ, სანამ მიაგნებდეს ამ სხეულში მიმალულ თექვასმეტ ოქროს კვეთას, სანამ მიაგნებდეს იმ წერტილს, საიდანაც ფაპონაჩის სპირალზე მისი სვლა დაიწყება, სანამ გზას გაიგნებდეს ამ სხეულის მიერ ნაშობ ფანტომურ იმედებსა და ანგარიშებს შორის, სანამ შეძლებს და გააღწევს იმ უკუნში მიმალულ ავსულებს, რომლებიც ამ სხეულში კეტავენ ჩემს ბოგანოს. ხომ თავად სხეულშია მოსაძებნი მისგან თავის დაღწევის მეტაფიზიკური ბზარები?! თავად ამ სხეულშია მოსახელი ფიბონაჩის სპირალი და ზეციურ სხეულთა მუსიკის ანარეკლი. აქ არის საძიებელი ის, რისთვისაც იგი უფალმა შექმნა და მოავლინა ამქვეყნად, რათა საკუთარი უკუნის ზღვრამდე მისულიყო და შევბით ამოესუნთქა იმ წამს, რა წამსაც მეტაფიზიკური ბზარის არსებობას დალანდავდა და ამით მოინიშნავდა იმას, იმ მთავარ იმედს, რომელიც, მის ფანტომურ იმედთა მიუხედავად, მასში ყოფილა. ჰოდა, მშვიდი და ღიმილინი მარადი ჭაბუკი ელის, როდის ამონურაგს უკუნი საკუთარ თავს, როდის დაიღლება იგი თავისი უსაზრისო დაძაბულობით და როდის გაუთავისუფლებს მას სავალ ბილიკებს, უსასოდ დამსხვრეულ იმედებსა და ოცნებებს, ყველას და ყველაფრის წინააღმდეგ ბრძოლაში უსაზრისოდ გაბნეულ წლებს შორის და როდის მოიმარჯვებს მისი ცხოვრების ფრაგმენტებს, რათა მათი მეშვეობით ააგოს ის ბილიკი, რომელიც სულ მთვარის მატყუარა ბილიკებიდან მზის სხივისეკნ გაუძლვება, თუნდაც ეს ბილიკი სენის, ტანჯვისა და სასონარკვეთის ნილბით იყოს შემოსილი. ეს სამეული ხომ მარადი ჭაბუკის საბოლოო იარაღია. რომლითაც ამსხვრევს ფანტომური ფიქრებისა და იმედების ყრუ კედელს და თავისუფლებას გვანიჭება.

ამიტომაც არის (ისევ და ისევ, ჩემი დიდი მარტობის იმედებისათვის) მარადი ჭაბუკი ყოველთვის გამარჯვებული. მისი მშვიდი ღიმილი ნიშანია იმისა, რომ ოდესლაც და სადაც პალესტინაში გაკვალულა ის გზა, რომელსაც ყოველი სული გაივლის, თუნდაც თავისი მინიერი არსებობის განმავლობაში ავსულებს შორის ერთადერთხელ ჰქონდეს შორეულად მაინც მონიშნული სიკეთის, მშვე-

ნიერებისა და ჭეშმარიტების ციალი, მონიშნული და თუნდაც, ერთი შეხედვით, უმედოდ დაძირული სულის წყვდიადში. ამას ვერაფერი დაუდგება წინ - ვერც ამ ზონზორობა სხეულში დატყვევებული ფიქრები, ვერც სული, რომლის მოძრაობის მთელს ჰორიზონტსაც, ერთი შეხედვით, ეს სხეული ქმნის, ვერც ის პატარ-პატარა გამარჯვებები და შურისძიებები იმის გამო, რომ მისი ბედისინერა სხვა არაფერია, თუ არა საგნებად, მოვლენებად და ადამიანებად განვენილი ეს სხეული და რომ თავს ვერსად დააღნევს ამას. მარადი ჭაბუკი მუდამ გამარჯვებულია, რადგან მის ხელშია ის უზენაესი ჩანაფიქრი, რომელიც ამ სხეულშია ჩამალული, თუმცა კი ჩემთვისვე მოულოდნელად გამოიჭიატებს ხოლმე და მოულოდნელ სიხარულს მაგრძნობინებს ამ ჩანაფიქრის გამო.

ასეა, რიტუალების ჩაკეტილ და თავისი თავის იგივურ საკომუნიკაციო მატრიცაში **მას** არა არა აქუს, თავი სადა მიიყუდოს. ეს აპასფერის საუფლოა, დაუსარულებლად რომ მოძრაობს სრულიად ამ ერთგვაროვან სივრცეზე და რამდენადაც ის ერთგვაროვანია, მას დასასრულიც არა აქვს და, მაშასადამე, არც აპასფერს უწერია სიკვდილი. უსასრულოდ დაეხეტება ეს საშუალო-ყოველ-დღიური, ჰაიდეგერისეული ლაყბობით, ცნობის-მოყვარეობითა და ორაზროვნებით დასნეულებული არსება იმის იმედით, რომ სადღაც მაინც წა-აწყდება იმ ბზარს, საიდანაც თავს დააღწევს ამ ყოვლისმომცველ საკომუნიკაციო საპყრობილებს. ასეთი წერტილი არ ჩანს, მირაჟივით სულ სადღაც ეგულება და მიიწევს იქეთ.

ჰოდა, როგორც ვთქვი, ვიყავით ასე სიცივესა და სიცხეს შორის მოქცეული ორი არსება. გულგრილობით თუ ვითავისუფლებდით თავს შეხვერის ამ დაძაბულობისაგან, მაგრამ მე, ჩემდათავად, ფარვანასავით კვლავ და კვლავ მივბრუნებიდ უკიდურეს სიცხესა და უკიდურეს სიცივეს, სცილასა და ქარიბდას შორის გამავალ ბილიკებს. არავინ მაიძულებდა ამას. უბრალოდ, გულგრილობა ისევე მღლიდა, როგორც სიავე. თუკი **მის-თვის** ჩვენ ორის შეხვედრა იყო სარკე, რომელშიც ვნების სისრულით გადაჰქონდა თავი, ჩემთვის ოდესლაც და სადღაც მიღებული ხედრი იყო იგოვე, სადაც ვნებიანად - სიცივით ან სიცხით - უნდა გადამეღვარა ჩემი არსებობა. ლავდიკის ეკლესია კი მუდამ იქნებოდა და იქნება სადღაც გვერდით, როგორც ფარული, ცოდვიანი, წუნება და სულმოკლე ოცნება.

მანამ კი, სანამ ჩემი და მისი დიდი მარტობა აღსრულდება, უნდა განვაგრძოთ ეს უგვანი რიტუალური სახიობა - მან თავისი არტისტულად მოქცეული სახითა და თვალებში ჩაბუდებული გაიძვერა ნაპერნკლით, ხოლო მე - მონაყალების გულგრილი და ქედმაღალი გაღებით, განვაგრძოთ და თან ფარულად ვატაროთ სათუთად შენახული იმედები.

კობა ცხავაიძე

# ყველაფერი ტყუილი



გრიშა (გრიგოლ) ა. იყო მაღალი, ათლეტური ალ-ნაგობის, ორმოცს მიტანებული მამაკაცი. ხშირი წარ-ბების ქვეშ კეხანი ცხვირით და ლრმად ჩასმული მომწვანო-მოყავისფრო თვალებით.

მისი უზარმაზარი ტორები და დაკუნთული კი-სერი წახვისთანავე იპყრობდა ყურადღებას. ხელის ჩამოართმევისას გრიშას თითები ვაზის ფოთლები-ვით შემოეხვეოდნენ მისასალმებლად გამოშვერილ გალეულ ხელს, და მოსაუბრეს იმავე წამს ნეტარი სიმყუდროვე და სიმშვიდე ეუფლებოდა.

აი, ასეთი ჰარმონიული და გადამდები აურის მა-ტარებელი იყო ეს კაცი.

რატომ ვყვები მასზე?

მოგახსენებთ: გრიშა უნიკალური იყო, რადგან ფიზიკურად და მორალურად ვერ იტანდა გაზაფხულს.

კარგი კაცი კი იყო, დოვლათიანი, ბარაქიანი და სტუმართმოყვარე. წარმატებული კარიერაში... სა-მეგობროს სული და გული. ოთხი შვილის მამა და მოსიყვარულე მეულლე... თითქოს ყველაფერი სა-ოცრად სტაბილური, აღმატებული და განსაზღვრუ-ლი ჰქონდა...

მაგრამ, დგებოდა მარტის თვე... სამზარეულოს კედელზე ჩამოკიდებულ კალენდარს ხელის ცახცა-ხით ჩამოგლევდა და გაზაფხულის მცირედი სუს-ხით გაულენთილ ჰაერს ზიზღით, უფრო სწორად კი,

ზიზღში გადაზრდილი პანიკური შემით ჩაისუნთქავდა და ამოიოხერავდა:

- „მოვიდა, ისევ მოვიდა ეს...“

საქმე ისაა, რომ ამ დროს, ანუ მარტის პირველსავე დღეებში, გრიშას კვირტები ამოსდიოდა. დაკუნთულკისრიან, მიქელანჯელოს „მოსესავით“ გამოკვეთილ თავზე ა მო ს დ ი თ დ ა ...

დიახ, მაშინ, როცა მთელი ბუნება იღვიძებდა, სამყარო ხარობდა, ასე ვთქვათ, იზმორებოდა ზამთრის ხანგრძლივი და ღრმა ძილისან გამოფხიზლებული და მზის სხივებს ნეტარებით შესციცინებდა, ერთადერთი არსება, სულიერი, ადამიანი, კაცი, რომელიც ასეთ ურიამულს სხვაგვარად ხვდებოდა, იყო გრიშა.

საერთოდ, მას ძალიან უყვარდა ძილი, რადგან დღის მანძილზე უამრავ სამუშაოს ასრულებდა. სალამოს კი, საამაყო შეილიკოებთან და მოსიყვარულე მეუღლესთან ურთიერთობის შემდეგ, ნასიამოვნები, კმაყოფილი, დაქანცულ - დამშვიდებული და შესრულებული ვალდებულებებისგან გასავათებული, მოწყვეტით ეცემოდა საწოლზე და სიზმრების სამყაროში იძირებოდა.

დღიამდე ფეხსაც არ გაანძრევდა, მხარსაც კი არ იცვლიდა, თვალსაც კი არ გაახელდა... ასე იყო ზაფხულში, ასე იყო შემოდგომაზე, ასე იყო ზამთარში...

მაგრამ საკმარისი იყო თებერვლის ბოლოს, ამ წუმპიანი ზამთარ-გაზაფხულის თვის, უკანასკნელ დღეს ჩაეთვლიმა, ან უბრალოდ თვალი მიელულა, რომ იმწუთასვე ერთი და იგივე საზარელი ხილვა აფორიაქებდა, ცივ ოფლში გაღვითქულს ეღვიძებოდა - „ვრანიტის ბურთი აგუგუნდებოდა გრიგოლის სიზმარში. ეს ბურთი ნელ-ნელა იძზარებოდა და... თვალისმომჭრელი სინათლე, გამანადგურებელი სიმბურვალის კაშკაშა ნათება ამოიფრქვეოდა კუშტი, ცივი შიგთავესიდან“... ეს ზმანება ა.-ს არ აძლევდა ძილის ბურუშში ჩაძირების საშუალებას... ელდანაკრავითი ნამოხტებოდა, შიშით ათრთოლებული მიმოიხედავდა... ამ დროს ვინძეს რომ დაენახა, ეგონებოდა, გადმოკარკლული თვალები ეს-ესაა ბუდეებიდან გადმოსცვივდება და იატაკზე პინგ-პონგის ბურთებივით გაგორდებიანო.

დდშვც! - კბილებში გამისცრავდა განამებული გრიშა, - დდმგტყნ! - დაამატებდა და კოპებით დაფარულ თავზე ფრთხილად გადაისვამდა ხელს.

არა, ის არ იყო უზრდელი კაცი.

გრიგოლს არ უყვარდა გინება, მავრამ იმ ღამეს თავს ვალდებულად თვლიდა, ასეთი უწმანური გამონათქვამებით ნაებილნა უმწიკვლო და ყველასთან მაღალინტელიგენტური საკუთარი მეტყველება.

ჩვენში დარჩეს, ეს ავადსახსენებელი „საკოორე კოპები“, თვალში საცემიც არ იყო... ისინი პაპან-კინტელა ბორცვიკოებად მოეფებოდნენ გრიშას, „უბე-დურ“ თავზე, უფრო სწორად კეფაზე, საფეთქლება

და კინკრიხოზე, ანუ იმ სივრცეზე, რომელიც თმით ჰქონდა დაფარული. აქედან გამომდინარე, „საშველი მაინც არსებობდა“ - ხუჭუჭა თმების წყალობით, გრიშა ადვილად მაღავდა კვირტებს.

„გაჭირვება მანახე და გაქცევას განახებო!.. ემანდ, რომელიმე დალაქმა არ ნამოაყრანგალოს ჩემი „აყვავების“ ამბავი და ხალხში თავი არ მომეჭრასო“, საცოდავი გირგოლი, სკოლიდან მოყოლებული, თმებს საკუთარი ხელით იჭრიდა... და საკმაოდ დახელოვნდა კიდეც ამ საქმეში.

რაკი თავზე ამოსული კვირტები სირცხვილად მიაჩინდა, თავს იმით ინუგეშებდა, - „კიდე კაი, კვირტებია და არა რქები, ან უფრო უარესიო!..“ და ცდილობდა ეცხოვრა ისე, თითქოს არც არაფერი ხდებოდა. სამსახური, მევობრები, მოვალეობები, მეულე, შვილები, სპორტი, ინტერვიუები და ა.შ. საბედნიეროდ, ვერავინ ამჩნევდა გრიშას თავს მიმდინარე ცვილებებს.

„კიდე კაი, კვირტებია და არა რქები, ან უფრო უარესიო!..“

დიახ, როგორც ხედავთ, მის შელახულ „კაცურ სიამაყეს“ ეს სიტყვებიც მალამოსავით ედებოდა, მაგრამ სულიერ ტყივილს დიდხანს მაინც ვერ უყუჩებდა და ტყები მარტოსულდ ხეტიალით, სირბილით ან ღრიალით, იამებდა საგაზაფხულოდ მოვლენილ ტანჯვას.

თუმცა იყო ამ ყვავილობაში სასიამოვნო და ფერად-ნეტარი მომენტებიც. გრიშას ნუგეში ის იყო, რომ ასეთი მშეოთვარი მდგომარეობა, მხოლოდ ორისამი დღე გრძელდებოდა, მანამ, სანამ საკოკრე კოპები ტკაცატკუცს დაინყებდნენ, ამოიყლორტებდნენ და პატარ-პატარა bouton-ებად გაიძლებოდნენ.

ეს „ტკაცატკუცის“ ხმა, მხოლოდ გრიშას ეს-მოდა, და თითოეული ბგერა, ზუსტად ეუბნებოდა სად, როდის, რა ფერის, რა ფორმის და რა სურნელის კვირტი გასცებოდა და იყვავილებდა მის „გოგრაზე“.

არ შეიძლება ყურადღების გარეშე დავტოვოთ ეს ხმა, ანუ ე.ნ. „ტკაცატკუცი“.

საქმე ის გახლავთ, რომ ეს „ტკაცატკუცი“ კი არ იყო, არამედ რეალურ მელოდიად უდევრდა, რომელიც ერთი-ერთში ემთხვევოდა შოპენის „Mariage d'Amour“-ს, ანუ გაზაფხულის ვალს.

ამ მელოდიის დიდი მოყვარული იყო გრიშაც უბედურება ისაა, თუკი ადრე ეს მელოდია მხოლოდ სამი-ოთხი, ან ათი ნოტით გაიყდერებდა მის თავზე თუ თავში, ახლა მთელი 5 წუთი და 11 ნამი გრძელდებოდა, რაც კვირტების რაოდენობის ყოველწლიური ზრდით იყო გამოწვეული.

„ეს რომ სიმფონიად იქცევა, მერე ნახე გრიშაა, შე აყვავებულო უბედურო!“ - მნარედ ჩაუცინებდა საკუთარ თავს და გული „Vivace“-ს ტემპში აუბავიბუგდებოდა.

საქმეს ისიც ართულებდა, რომ ეს „გაზაფხულის ვალსი“, „ამოკვირტკა-აყვავების“ შემდგომ უფრო და უფრო ხშირად მეორდებოდა. საკმარისი იყო, ა.-ს თავზე ხელი გადაესვა, ან ნიავს გადაერბინა მის ხუჭუჭა, მაგრამ აკურატულად შეჭრილ თმაში, რომ

„Mariage d'Amour“ ეგრევე აულერდებოდა.

„ლა-ლა - ლალალა - ლა-ლალა“ - ესმოდა ქუჩაში თუ კაბინეტში, საპირფარებოში თუ გასვენებაში, თათბირზე თუ ბუნების წიაღში... „ლა-ლა - ლალალა - ლა-ლალა“ მარტო ყოფნისას, თუ ხალხით გადატე-ნილ დარბაზში. „ლა-ლა - ლალაზა - ლა-ლაზა“ ინ-ტიმურ-რომანტიკული ურთიერთობის დროს, თუ ცხარე კამათისას „ლა-ლა - ლალაზა - ლა-ლაზა“...

კარგი ის იყო, რომ ამ „Mariage d'Amour“-ს, ვი-ღაც უზომოდ ნიჭიერი ხან როიალზე, ხან კლარნეტ-ზე, ხან ვიოლინოზე, ხან ვიოლონჩილოზე, ხან სალა-მურზე, ხან ფლეიტაზე ასრულებდა. თუმცა მოხდა ერთი-ორჯერ ისეთი „არაორდინალური“ შემთხვე-ვაც, როცა მელოდია სასულე ინსტრუმენტების ორ-კესტრმა შესასრულა და მეხსიერებაში ესც ფრიად კარგ მოგონებად დარჩა. ამიტომ ეს პარმონიული შედევრი მოსაბეზრებელი კი არ ხდებოდა, არამედ პირიქით, რაც დრო გადიოდა, გრიშასთვის სულ უფ-რო ღრმა, უკიდეგანო სულიერ ჰორიზონტებში ჩამ-ნედომი ხდებოდა... თუმცა კი, ხელს უშლიდა ყო-ველდიურ ცხოვრებასა და ნორმალურ ფუნქციო-ნირებაში. პანგები ყველაფერს ფარავდნენ... მათი გაგონებისას გრიშა შეშდებოდა, მისი დაძაბული სხე-ული და განაძებული სული ივსებოდა ლვთაებრივი ჰარმონით, ბერათა მშვენიერებით, და ეზმანებო-და, თუ როგორ იზრდებოდნენ მისი კვირტები უზარ-მაზარ ტყედ, დედამინა კი ათასფერა ყვავილთა და ფრინველ-ცხოველთა სამყაროდ იქცეოდა.

„ლა-ლალა-ლალალა-ლა!“

გრიშა ვერ იტანდა სიტყვა „ხისთავიანს“, ყველა-ზე დიდ შეურაცხყოფად აღიქვამდა მას.

„ნეტა ყველა ხისთავიანი იყოს, რათა ამ ფლო-რის საოცარ ქმნილებათა შინაგან, მდიდარ ბუნებას და სიბრძნეს ჩასწვდნენ!“

მეგობრები მხრებს იჩერდნენ და მისთვის გული რომ არ ეტკინათ, ამ სიტყვის მაგივრად სხვა ალ-ტერნატივას „მიადგებოდნენ“, მაგ.:

„პიტალოთავიანს“, ან „თავქვას“.„

გრიშას ეს ვარიანტიც არ მოსწონდა, მაგრამ რა უნდა ექნა? მეგობრობა მსხვერპლს მოითხოვდა და ისიც „მსხვერპლად ენირებოდა“, პატიობდა სამე-გობროს ამ სინონიმს.

კიდევ კარგი, დროზე გამახსენდა: რამდენიმე წლის წინ გრიშა ა.-ს მდგომარეობას კიდევ ერთი უსიამოვნო, მაგრამ საკმაოდ ნიშანდობლივი ფაქ-ტორი დაემატა:

მის დაკვირტულ-დაყვავილებულ თავს ფუტკრე-ბი დააცხრნენ.

სადმე ისეთ ადგილას თუ აღმოჩნდებოდა, სა-დაც წაბლის ან ცაცხვის ხები, ან მცენარეთა მრა-ვალფეროვნებით მოფენილი მინდორი, ან ქოთნის ყვავილებინი აივანი იყო, ფუტკრები ყველას და ყვე-ლაფერს გაეცლებოდნენ და გრიშას თავისკენ მიიღ-ტვიდნენ.

რომ ვთქვათ, „მას არ მოსწონდა ეს ამბავი“, ნამ-დვილად ტყუილი იქნება.

ფუტკრების ბზუილი და მათი ბუსუსებიანი სა-ცეცების ხუჭუჭა ქოჩორში ფუსფუსი, გრიშას სხე-

ულს ლვთიურ ურუანტელად დაუვლიდა და სიამოვ-ნებას ჰევრიდა, რომელიც საბოლოოდ ნეტარების ტალღებად ალივლივდებოდნენ მის დიდ და კეთილ გულში.

თუმცა აპეზარ ხალხს, ნაცნობ-უცნობებს, ან უბ-რალოდ, გამვლელებს, ყურადღება რომ არ მიექცი-ათ მისთვის და ზედმეტი შეკითხვებით თავი არ მოე-ბეზრებინათ, ქუჩაში გასვლის წინ, ყოველთვის იხუ-რავდა ქუდს და ამით ფუტკრებს დროებით მაინც უკეტავდა ყვავილოვანი თავისკენ მისასვლელ გზას.

მეუღლე ვერ ხვდებოდა, რატომ წუხდა გრიშა მაინცდამაინც მარტის თვეში. თან იმ დროს, როცა გაზაფხულის მოსვლა ყველას იმედითა და ბედნიე-რებით ავსებდა.

მას ვერც კი წარმოედგინა, რა დარდი და კაშანი ღრღნიდა გაზაფხულობით მის ქმარს - „სიყვარუ-ლით, სითბოთი და მამაკაცური სიძლიერით აღსავსე მეუღლეს“.

გრიშასგან განსხვავებით, ის ფუტკრების უცნა-ურ შემოსევას უსაზღვრო ბედნიერების მანიშნებ-ლად თვლიდა და ვნებების მოზღვავების უამს, თავ-ჩაქინდრულ მეუღლეს მუხლებზე შემოუსკუპდებო-და, კისერზე ხელებს მოხვევდა, ჩარგავდა მის სურ-ნელოვან თმაში ცხვირს და ჩასჩურჩულებდა:

„გრიშიკო, თაფლივით ტკილი რომ ხარ, იმიტომ გახვევან ფუტკრები!“

მამაკაცი გაიღიმებდა და ვნებამორეული ბიჭუ-ნასავით წამონითლდებოდა კიდეც.

მან კარგად იცოდა, ამ სიტყვებს როგორი ბობო-ქარი ღამე მოცყვებოდა და ამიტომ დროებით ივიწყებ-და თავის კვირტიანობას.

ჰორ, აღსანიშნია ერთი უცნაური შემთხვევა, რო-მელშიც გრიშა უნებლივ „დამნაშავის“ როლში აღ-მოჩნდა, თუმცა ამის შესახებ თვითონაც ტელევიზი-იდან შეიტყო.

თურმე მის მეზობელს, სამსახურიდან „საკუთა-რი სურვილით“ გამოგდებულ ვაზგენ კუტუბიძეს, ამ ცოტა ხნის წინ გადაეწვიტა, მეფუტკრეობას და-უფლებოდა, ამ მიზნით ერთი სკაც შეუძენია და უად-გილობის გამო სახლის სახურავზე დაუმონტაჟებია.

გრიშას, რომელმაც არაფერი იცოდა ამის შესა-ხებ და ტრადიციულად, ყოველ დილას აივანზე სა-ვარჯიშოდ გამოდიოდა, შეამჩნია საიდანლაც გაჩე-ნილი ფუტკრების დიდი გუნდი, რომლებიც როგორც ხვდებით, თავს დასტრიალებდა და შესაბამისად, აყ-ვავებულ კვირტებს ეტანებოდა.

ნეტარების მეცხრე ცაზე მყოფი გრიშა არ იყო წინააღმდეგი, პირიქით, მნერების ლვთიური ზუზუ-ნი მის გამასაჯანსალებელ ტანვარჯიშს უფრო ხა-ლისანის და ენერგიის მომცემს ხდიდა.

ასე გაგრძელდა რამდენიმე კვირა.

ჰორდა, როცა საინფორმაციო გამოშვების ყურე-ბისას ჩვენმა გრიგოლ ა.-მ მოისმინა:

„საოცარი არომატის და ჯანმრთელობისათვის სასარგებლო თაფლი მოიყვანა ძირძველმა ქალა-ქელმა კაცმა თავის სახლის სახურავზეო...“, და მერე ეკრანზე მეფუტკრეის სამოსში გამოწყობილი ვაზგე-ნაც გამოჩნდა, რომელიც „სხაპასხუპით სხლავდა“:





## ნიკა ლაშეიძე

### მეგობარს, რომელიც მოკვდა

წუხელ მესიზმრა ჩემთვის ძალიან ახლო ადამიანი,  
რომელსაც ათი წლის წინ მივაყარეთ მინა.  
ერთხანს ხშირად დავდიოდი მის საფლავზე,  
მერე დროდადრო,  
ბოლოს იშვიათად.  
სიზმრებიც კი გაგვიწყდა,  
ერთხანს ხშირად მოდიოდა,  
მერე დროდადრო,  
ბოლოს იშვიათად..  
ხოლო წუხელ, მართლა დიდი ხნის უნახავი იყო.  
რამდენიმე დღის გარდაცვლილს გავდა.  
ქვიშისფერი ქონდა სახე, ტუჩები ყავისფერი,  
თმა არ ქონდა, რადგან მეტასტაზებთან ომს შეეწირა,  
მისი გრძელი, ტალღოვანი თმები.  
ძალიან თბილად მოვიკითხეთ ერთმანეთი,  
მე თითქოს ვგრძნობდი მის სიკვდილს,  
მაგრამ არ ვიმჩნევდი, გული არა დაწყდესთქო.  
ის კი აშკარად გრძნობდა ჩემს სიცოცხლეს  
და ბავშვივით უხაროდა.  
ჩვენს შორის არაფერი დარჩენილა შეუმჩნეველი,  
მას არაფერზე დაწყდომია გული.  
ერთი რამ ვერ ვკითხე,  
მისი თაფლისფერი თვალები,  
როგორ გადაიქცნენ ცისფერ თვალებად.  
სიკვდილი თვალებში ცის ჩადგომას ნიშნავს?!  
ვერ ვკითხე, რადგან მეუხერხულა სიკვდილზე საუბარი.



### დახუჭობანა

ძალიან ადვილი იყო ამის თამაში, სახალისოც კი.  
ერთი დაიხუჭებოდა და დანარჩენები ვიმალებოდით.

ზოგჯერ, ძალიან რთულდებოდა ჩვენი მოძებნა,  
მაგრამ როგორც კი მოგვძებნიდნენ,  
იმ წამსვე დახუჭულის სადგომისკენ მივრბოდით,  
რომ კედელზე ხელის დადება დაგვესწრო  
და ხმამაღლა გვეთქვა ჯადოსნური სიტყვა - „სტუკა“,  
რაც, ფაქტობრივად, გამარჯვებას ნიშნავდა.  
ყოველი დღე ასე იყო: ვასწრებდით ან გვასწრებდნენ.  
გავიზარდეთ,  
ზოგი ქვეყანას დაემალა,  
ზოგი ხალხს დაემალა.  
ზოგი ამხილეს.  
ზოგმაც მოასწრო დახუჭვა და ალბათ, იქ,  
სადღაც შორიდან გვითვალთვალებენ და არ ჩქარობენ,  
რომ დაგვასტუკონ.  
ჩვენ კი ვდგავართ ცალ-ცალკე,  
თითქოს, არაფერს ვემალებით,  
თითქოს, ძალიან გავამძაფრეთ სინამდვილე,  
თითქოს, აღარც გვითვალთვალებენ..

## ლექსის თარგმნა

სიტყვები ითარგმნა.  
განწყობა იგივე დარჩა, როგორც ორიგინალში.  
ლექს არ შეუცვლია საერთო სურათი.  
(პოეზია კარგად ესმის მთარგმნელს)  
მეკითხებოდა თითოეულ სიტყვას,  
რას ვგულისხმობდი,  
რა ნაღმი იყო ჩადებული ბწკარებს შორის.  
სად შეიძლებოდა ამოსუნთქვა,  
სად გაშეშება.  
ასე, კითხვა პასუხებში ითარგმნებოდა ლექსი.  
არაფერი უკითხავს სასვენ ნიშნებზე,  
საერთოდ არაფერი...  
წერტილები, წერტილებად დარჩნენ,  
მძიმეები, მძიმეებად, როგორც ცხოვრებაში.  
პოეზიაც ასეა,  
იცის, როდის ამოილოს ხმა.

## დანიშნულება

დილით ერთი კოვზი მზე.  
ერთი კოვზი მზე დაისისას.  
ლამე ერთი აბი ვარსკვლავი.  
დროდადრო სიზმრები, ღრუბლებისას.

## პოეზია

არ მახსოვს როდის აგიკიდე,  
მაგრამ ხშირად მიწევს მარტობა.  
ყოველთვის მარტო ვარ,  
როცა ჩავდივარ სიტყვებს  
თითქმის გაცვეთილებს,  
თითქმის გარდაცვლილებს,  
თითქმის სპონტანურებს.  
დღემდე ბავშვივით მჯერა,  
რომ მართლა შეგიძლია, რაღაცის შეცვლა,  
რომ ერთ დღეს ყველაში მოიყრი თავს  
და თვალებით იმეტყველებ,  
ხოლო ყველას, ვინც ამ დღის დადგომას შევხაროდით  
მოგვეტევება მარტობა, რომელმაც გაგვხრა,  
რომელმაც წაგვართვა სიტყვები და აპა, ნისლივით აორთქლდა  
მეტაფორების ძიებაში,  
თითქოს ხელი დავიბანე  
და ჯვარცმულთა სიზმრებს მზე შევაპარე.



\* \* \*

შენ ზიხარ ოთახში,  
სადაც დღის ამბები გროვდება.  
მთელ დღეს აკვირდები.  
დღე კი ზოგჯერ ძალიან იწელება  
და გინდა, რომ მაღლე ამოინუროს.  
ზოგჯერ იმდენად მოკლეა, რომ არ გინდა დასრულდეს.  
სელიდან არ უშვებ სიახლეებს.

ამბებს, რომლებსაც შეუძლიათ აღელვება.  
ამბებს, რომლებსაც შეუძლიათ ცრემლები.  
ამბებს, რომლებსაც შეუძლით ღიმილი.  
ღლის მზვერავი ხარ, რომელსაც ხმა იზიდავს.  
მე შემოდგომა ვარ!

გამოიხდე ჩემკენ, ნახე, რა ლამაზად მცვივა ფოთლები,  
თითქოს ქარი მომაყარეს და ცდილობენ შემცვალონ.  
დაწერე ჩემზე ეს დაუჯერებელი ამბავი,  
თქვი, რომ მოულოდნელი იყო ყველაფერი,  
რომ შეიძლება ნებისმიერ ადამიანში დადგეს შემოდგომა  
და დავიცალოთ.

რომ შეიძლება  
ერთ მშვენიერ დღეს ამოგვიკითხონ ფოთლებში,  
ასე ცალ-ცალკე, ასე დაუნდობლად.  
დაწერე, რომ ცხადია ყველაფერი.  
დაწერე ფოთლები, რომლებსაც მოიხელთებ  
და მომიყევი რას გიყვებიან,  
სანამ ჯერ კიდევ შენში ვარ, სანამ არ გამხდი საჯაროს.

### **დაბრუნება**

შემოილამა, რომ ენახა,  
როგორ ბრუნდებიან ვარსკვლავები,  
ასე ცალ-ცალკე გაჭრილი გზებით.  
დახედა სხეულს, მძიმე იყო ყოველი ხსოვნა,  
რაც დაიშანთა, რაც მოიგო, რამაც გახედნა.  
სიკვდილი იქვე ლოგინთან მდგარი  
ილუქმებოდა მის ნარჩენებს,  
მის მოძრაობას და ამზადებდა უძრაობისთვის.  
შემოილამა, ეს შემორჩი ბოლო დღის ხსოვნად.  
ყველა დაბრუნდა, ვინც შორს იყო,  
ვინც გზის იქიდან იხედებოდა,  
ყველამ დახედა.  
დაბრუნდნენ ვარსკვლავებიც  
და მის თვალებში აიმლერა ზეცა.

\*\*\*


სიზმრის საჩუქარი:  
- აპა, სული გამძვრებათქო  
და მეღვიძება.

\*\*\*

ქარს გავეკიდე,  
უკან წვიმასთან ერთად მოვბრუნდი.

\*\*\*

ყოფილ ლექსებს  
თავი ვერ დავალწი.





მამა მოგვდევდა, ჩემი მამა, ჩემი იმედი,  
 და მაშინ, როცა ეს იმედი მამის სახით ჩემს მუცელში გაჩნდა,  
 სახეზე ამაფარეს მძაფრი სითხით დასველებული ცხვირსახოცი  
 და მანამდე დავკარგე გონება, სანამ ფეხებს შორის მდუღარე შანთით  
 არ გამომიწვა მთელი სხეული მან, ვინც ამბობდა რომ ვუყვარდი.  
 თვალები რომ გავახილე, ვოლგის ფანჯრიდან დავინახე ხელებანეული მამა,  
 რომელიც ამბობდა რომ უკვე მას აღარ ვეკუთვნოდი,  
 და ულოცვდა თავის „სიძეს“ ბედნიერებას.  
 სოფელში მისულს დამხვდა ქალი, რომელიც მიყვებოდა,  
 რომ ისიც ჩემსავით მოიტაცეს, საბოლოოდ კი ყველაფერი ისე კარგად აეწყო...  
 მიმტკიცებდა რომ შევეჩვენდი, შევიყვარებდი,  
 მით უმტეს, თუ „მოსახდენი მომხდარი იყო“.  
 მე ვუსმენდი და ერთ რამეზე ვოცნებოდი,  
 რომ ეს პირველი და უკანასკნელი სქესობრივი აქტი მასთან  
 არ გამხდარიყო მიზეზი ჩემი ფეხმძიმიდისა,  
 რადგან აბორტის ფულს ვერსად ვიშოვიდი,  
 დარჩენაზე ხომ ლაპარაკიც ზედმეტი იყო,  
 არც დავრჩენილვარ,  
 სამდლიანმა ისტერიულმა კივილმა შედეგი გამოიღო და გამომიშვეს.  
 მამამ აღარ მიმიღო, რადგან თურმე ჩემში მხოლოდ გაუხეველი აპკი უყვარდა მამას,  
 დედამ აღარ მიმიღო, რადგან დედას ეშინოდა და ერიდებოდა მამის,  
 და უცემ ყველაფერი გაქრა,  
 ისე გაქრა რომ ამ გაქრობიდან ოცი წელი გავიდა უკვე და ყველაფერი კვლავ გამქრალია,  
 არ მახსოვეს რას მღეროდა დედა, ანდა, მღეროდა თუ არა საერთოდ,  
 არ მახსოვეს როგორი ხმა ჰქონდა მამას,  
 და აღარც მინდა რომ მახსოვდეს, რაც მთავარია!


## დემოკრატია

დემოკრატია. ნერვების თოკვა,  
 ქშენით,  
 დემოკრატია. შიმშილი, შიმშილი, შიმშილი,  
 დემოკრატია, ანალის ლოკვა,  
 ენით.  
 და ქვეყნის ხელში თვალს და ხელს შუა იშლები.

დგას ოკუპანტი პატრიარქიული მყარად,  
 დგას მინის წილი დემოკრატია, დემო,  
 დემო ვერსია, დემოკრატია, მარად  
 დემოკრატიულ დემოკრატიის გემო,  
 დემონსტრირებენ ბაობაბები რწმენით  
 და გურუ მათი თუ ლოკაციას იდგენს  
 დრო არის ხალხი მომარჯვებული ენით  
 ლოკაციებს მნარე ბაობაბების დინდგელს.  
 სხეულს კი არჩენს მხოლოდ ლოცვა და ლოკვა  
 და ქვედა ტუჩზე მადლის დუჟების თქეში,  
 და გულისრევის ნერვების ძალით თოკვა  
 შენი ნერვები - დემოკრატიის ხელში.

ხშირად სიზმრებში საკუთარ კისერს ახრჩობ,  
 სახლში მთვრალივით ამოიტანე ძრწოლა  
 შენი შვილები - დემოკრატიის ჩარჩო,  
 შოვინისტური მეღანქოლია - ცოლად.  
 ეს როლი ყველას, ვინც სხვანაირად რომავს,  
 მადლიერი ხარ წრეზე გატარებს რუკა  
 და ვერაფრით ვერ ჩამოიცილე დროშა  
 რომელიც ხედავ - ჩრდილში მოგყვება უკან.

ღამე ცივი და შენი საბანი - თხელი  
 ხალხის მზერაში - შენი სტატუსი - მგოსნის  
 აი იხილე ხელისუფალის ხელი  
 და რელიგიის წინაშძლვარივით კოცნე!




რომ ვინმემ სადმე არ შეადაროს დემონს,  
ყოველ სხვა სიტყვას გაჭრი სხვა მასტის კარტით  
დემოკრატია, დემოკრატია, დემო  
დემოკრატია, კრატია, დემო, კრატი.

## სოციალური მანიფესტი

ვისი სირცხვილია სექსუალური ძალადობა, რომელიც მოსწავლე-ახალგაზრდობის პარკში დაფიქსირდა, გაუპატიურებულის თუ გამაუპატიურებელის? სად ყრიხართ ამ დროს პოეტებო და რა ჯანდაბაზე წერთ? იმ გოგოს თქვენი ლექსის გარეშეც ლამაზი თვალები ექნება, სხვათა შორის თქვენს ლექსზე ლამაზი!

დღეს სხვა რამეზე უნდა წეროთ, თუნდაც იმაზე, რომ მეძავის გაუპატიურება კანონით არ ისჯება, რადგან გაუპატიურება ეს არის ნამუსის ახდა, ხოლო კონსტიტუციის მიხედვით, მეძავს არ აქვს ნამუსი.



მინდა შემეძლოს ხმამაღალი ლაპარაკი, რომ მსოფლიოში გავავრცელონ ხმა ჩემი ქვეყნის შესახებ, იგი პოეტური ფურირტით არის დაკავშირებული მშეერ შვილებთან და დღემდე დუშა.

მას პასუხები არ გააჩინია, ისევე როგორც სხვებს, ვისთვისაც იესოს პირველსახეობა სავიზიტო ბარათად იქცა. ბარათად, რომლის მეშვეობითაც დაუშვებელიც დაშვებული ხდება, ისინი მრავლდებიან ყოველდღიურად, უარყოფენ მომავალს სიტყვა რომანტიზმის განმარტების გარეშე,

იგუდებიან წარსულის სუნში და კლავენ იესოს სახელით, სექსუალურად ძალადობენ იესოს სახელით, იბარავენ იესოს სახელით, სცემენ იესოს სახელით,

სასჯელს იხდან იესოს სახელით, ამნისტია ეხებათ, რასაც, ცხადია, იესოს სახელს უკავშირებენ და იწყება თავიდან, იქმნება ცირკულაცია, ამ სიტყვის მნიშვნელობის ცოდნის გარეშე;

შემდგომში იქცევიან გმირებად, შაბლონებად, უზნდებათ უხილავი ბომონი,

იქვიდრებენ სახელს და ქმნიან წარსულის იდენტურ მომავალს.

უმნიშვნელოა, მართლა იყო თუ არა მეძავი

მოსწავლე-ახალგაზრდობის პარკში გაუპატიურებული ქალი?!

თუმცა ის კი ცხადია, რომ მან ვერ იპოვა სამართალი,

გულდამძიმებულმა თავი ჩამოიხრჩო,

ხოლო ყველა, ვისაც უნდა ეყვირა, დადუმდა,

და ასე გრძელდება დუშმილი,

და ასე გაგრძელდება მარად,

სახელითა მამისათა და ძისათა და წმინდისა სულისა,

ან და მარადის და უკუნითი უკუნისამდე!

ოღონდ ამინ - არა,

ყოველი შემთხვევისთვის, ჩემი პირიდან ვერ მოისმენთ ამას!

## მასობრივი დისკრიმინაცია

იგი არ იდგა მარტო, თუმცა ის, ვინც მის გვერდით იდგა თვლიდა რომ იდგა მარტო, ხოლო მათ წინაშე ხალხი იწყებდა მოძრაობას.

- ეს შეუსაბამოა ჩვენი მენტალიტეტისთვის -

ამბობდა დაწინაურებული, რომელსაც მხარს უბამდა

ქუჩაში სავანგებოდ შეგროვილი მასა,

ხოლო სამართალდამცავი, რომელსაც სიკვდილის სუნი სცემდა, უმოძრაოდ იდგა.

ტელევიზიები გადმოსცემდნენ რეპორტაჟებს,

ხოლო ტელეეკრანებთან მოკალათებული ბავშვების შაბლონები

იყვნენ იქ გამოჩენილი გმირები, რომლებიც

ეროვნული ღირებულებების გადასარჩენად იბრძოდნენ.

სწორედ ეს არის სახელმწიფო, სადაც შესაძლებელი არის წერა, საზოგადოება, რომელიც არსებობის იმიტაციას ქმნის მავალდებულებს ჩემი სახელის სწორად გამოყენებას. სტრუქტურა დუმს, როცა საზოგადოებრივი კანონით ისჯება განსხვავებული პოზიცია. სტრუქტურა დუმს, როცა საზოგადოებრივი კანონი ენინააღმდეგება სამართლებრივ კანონს. სტრუქტურა დუმს როცა საზოგადოებრივ კანონს სასულიერო მოღვაწეები წერენ.

ივი კი ამ დროს არ დგას მარტო,  
ხოლო მისი გვერდით მდგომი თვლის რომ დგას მარტო,  
უკანასკნელი შენის არის გაქცევა საკუთარი თავიდან,  
და მაშინ, როდესაც საკუთარ თავს გაქცევა არ შეუძლია,  
მას მოსდის სისხლი,  
ხოლო კეთილშობილი სამართალდამცავი დუმს,  
რადგან საზოგადოებრივ კანონს, ეთიკურ კოდექსს,  
ეთნიკურ ღირებულებებსა და ყოველგვარ კონსტიტუციურ ვალდებულებებს  
ქმნის ქვეყნის უმაღლესი ხელისუფალი - სასულიერო პირი.

ტელეეკრანებიდან იწყება ფსიქოლოგიური ომი  
გარდაცვლილის დედასა და გარდაცვლელის დედას შორის,  
ტელეეკრანებიდან მოდის კამათი უფლება დაცულებსა და  
უფლების დამცველებს შორის.  
ტელეეკრანებში ჩანს ამი პიროვნულ სენტიმენტებსა  
და არსებობის ისტორიებს შორის.  
ქუჩებში მიმდინარეობს ფსიქოლოგიური ჩაგვრა  
გამარჯვებულების მიერ, დამარცხებულთა მსგავსი  
ვიზუალის მქონე პირებისა,  
დალლილი დედები ლოცავენ გამარჯვებულებს,  
და სწორედ ეს არის სამოქალაქო ომი.

სად არის აქ სახელმწიფო, რომლის ვალია აღმოფხვრას  
ყოველგვარი ინციდენტი, რომელიც ფსიქიკურ ჩაგვრას განაპირობებს,  
სად არის აქ ისტორია, ანძყოს უარმყოფელი და ნარსულის მეხოტებე რომანტიკოსი,  
სად არის აქ მინა, რომელიც საარსებო მინიჭების სანაცვლოდ მსხვერპლს ითხოვს ჩემგან.  
სად არიან ამ დროს პოეტები, რომლებიც გამუდმებით დაკარგულ ტერიტორიებზე  
ჭყავიან დაუმთავრებელი, უნიჭოდ გარითმული ჰიმნოგრაფიებით.  
სად არიან ამ დროს სამართალდამცავები, და რამდენი მათგანი ეტევა  
სასულიერო პირის უკანალში.

სად არიან ამ დროს პოლიტიკოსები, რომლებიც საზოგადოებრივი კანონის  
ნინააღმდეგ წასვლას ვერ ბედავენ უფლებამოსილების დაკარგვის შიშით.  
სად არიან სწორედ ისინი, რომლებიც სრულყოფილ რასას ქმნიან,  
ვინ არის მათი შაბლონი, ან რა განაპირობებს მსგავს დეგრადაციას,  
რატომ არის დუმილი და რატომ დგას მძაფრი შიშის სუნი.  
რატომ მეშინია ნერის და ვინ დაიცავს ჩემს უფლებებს,  
როდესაც ამ ყველაფერს გააშინაარსებს ვინმე, ახალნაწვიმარი გუბესავით  
სავსე ეროვნული პათოსით.  
რომელსაც რელიგია მოუნიდებს ამისკენ, სამოქალაქო ამისკენ,  
და არ იქნება მის მუცელში ეთიკური დილემის ნატამალი,  
იგი აღასრულებს მოვალეობას, და კანონი იქნება მის მხარეს.  
გამოვა დედა, რომლის ნინააღმდეგ გამოვლენ სხვა დედები.  
ჩატარდება მნიშვნელოვანი სპორტული ღონისძიება და შეიცვლება სასაუბრო თემა,  
და ყველაფერი, რაც წარსულია, იქცევა მომავლად.

აქ ვის იმედად იყოს ჩაგრული მხარე?  
ღმერთის, რომელსაც ყოველგვარ მსგავს ქმედებას აწერენ,  
თუ სამართალდამცავების, რომელთა აზრითაც უფლებები არ გამაჩნია?  
დიახ, საშიში ფიქრი დეგრადირებულთა შორის,  
საშიში არის ყვირილი ყრუთა შორის,  
თუმცა მე დუმილს არ ვაპირებ.



უაიკი ვანი

# ომაკასე\*

ინგლისურიდან თარგმნა თამარ ლომიძემ



ქალმა და კაცმა გადაწყვიტეს, რესტორანში ნასულიყვნენ და სუშით ევახშმათ. მათ ინტერნეტით გაიცნეს ერთმანეთი. აქამდე ქალი ბოსტონში ცხოვრობდა, ახლა კი ნიუ-იორკში გადაბარგდა და კაცთან ერთად დასახლდა.

ქალი ქალაქის ცენტრში განლაგებულ ბანკში ანალიტიკოსად მუშაობდა. კაცი კერამიკას ასწავლიდა ქალაქის გარეუბნის ერთ-ერთ სტუდიაში. ორივეზი იცდაათ წელს გადაცილებულნი იყვნენ და არც ერთ მათგანს არ უნდოდა შვილების ყოლა. ორივეს უყვარდა აზიური კერძები, განსაკუთრებით, სუში, და კიდევ უფრო გამორჩეულად - ომაკასე. უჩვეულო კერძები მოსწონდათ, მაგრამ რესტორნებში სხვადასხვაგვარად იქცეოდნენ. ქალი ნერვიულად ათვალიერებდა ხოლმე მენიუს და ყოყმანობდა. კაცი მთლად ასეთი ჭირვეული არ იყო. რომელი კერძია საუკეთესო? ეკითხებოდა ქალი კაცს, ეს უკანასკნელი კი პასუხობდა, საუკეთესო ის კერძია, რომელიც ახლა გენატრებაო.

სანამ აქ მოვიდოდნენ, კაცმა თქვა, ეს პატარა უხეირო რესტორანია. მან ის ცენტრალური ჰარემის სუშის რესტორნების სიაში იპოვა. ასეთი რესტორნები ბევრი არ იყო. ამდენად, რეალობა ასეთი გახლდათ, რომ კაცმა სუშის საუკეთესო რესტორნების სია კი არა, სუშის ყველა რესტორნის სია გადაათვალიერა და ყველაფრისითვის მზად იყავიო, უთხრა ქალს. უხეირო რესტორანი არ არსებობს, მიუგო ქალმა. მაგრამ რესტორანი მართლაც პატარა და უბადრუები იყო, სუში-ბარითა და ბანკომატით. ბარის უკან ბებერი მზარეული იდგა. საღაროსთან თფიციანტი გოგონა იჯდა. ქალმა ივარაუდა, რომ აქ ექვს მოზრდილ ადამიანზე და ბავშვზე მეტი ვერ დაეტეოდა. სუშის ულუფები არც ისე დიდი იყო. რესტორანში შესვლისას ქალმა კაცს ისე გადახედა, თითქოს თვალებით ჰყითხა, ნეტავ, ყველაფერი რიგზე იქნებაო? ჩვეულებრივ, სუშის ისინი ქალაქის ცენტრში, გაბრდლვიალებულ და ხალხით გადაჭედილ

\* გენდობით (იაპონი). ეს გამოთქმა გამოიყენება სუშის რესტორნებში და გულისხმობს, რომ კლიენტი სუშის (ან სხვა კერძის) შერჩევას მზარეულს ანდობს.



გარეგნობა ექნებოდა, კოლეჯში არ მიიღებდნენ, თუ კოლეჯში არ ისწავლიდა, სამსახურს ვერ იძოვიდა, თუ სამსახურს ვერ იშოვიდა, საზოგადოების სრულფასოვან წევრად ვერ იქცეოდა, ხოლო თუ საზოგადოების სრულფასოვან წევრად ვერ იქცეოდა, შეიძლება ციხეში ამოეყო თავი. მაშასადამე, ამ რგოლის გამო საბოლოოდ შეიძლებოდა მხოლოდ ციხეში აღმოჩენილიყო. ცირკში ხომ არ მუშაობ, არც აფრიკელი აბორიგენი ხარ და არც მერილინ მენსონიო, ეტყოდა მამა, რომელმაც - რა უცნაურია, - იცოდა, ვინ იყო მერილინ მენსონი და მოსწონდა ის. შემდეგ, ციხეში, შეიძლება ქალი დამეგობრებოდა ტუჩებში რგოლგაყრილ სხვა ადამიანებს და მათ ბანდა შეექმნათ. ნუთუ ასეთი ცხოვრების შესახებ ოცნებობო? ეკითხებოდნენ მშობლები. ტუჩებში რგოლგაყრილთა ბანდის შესახებ? და ქალი იძულებული იყო, ეთქვა, არაო.

აი ჩაიც, თქვა კაცმა და ოფიციანტ გოგონას გაუღიმა. გოგონა ლამაზი იყო. იასამნისფერი რგოლი ეხამებოდა მის იასამნისფრად შეღებილ კულულებს და ფრჩილებზე წასმულ იასამნისფერ ლაქს. შემდეგ კაცმა შეაქო ოფიციანტის შავი უნიფორმა. ოფიციანტმაც საპასუხოდ შეაქო კაცის მრგვალჩარჩოიანი სათვალე.

- ო, რა სისულელეა, - თქვა კაცმა და სათვალე წუთით მოიხსნა.

- სისულელე სულაც არაა, - თქვა ოფიციანტმა. - მართლა შესანიშნავი სათვალეა. ჩემმა შეყვარებულმა ასეთი სათვალე ვერ მოირგო. მის თავის ფორმას არ მოუხდა.

კაცი ოფიციანტის შეყვარებულის ხსენებისას შეცბა, თუმცა ეს არაფრით გაუმჟღავნებია. პირიქით, კიდევ უფრო აქტიურად გაეარშიყა გოგონას.

ახალგაზრდები ახლა ძალიან განსხვავებულები არიან, გაიფიქრა ქალმა. თვითონ, სანამ კოლეჯში სწავლას დაიწყებდა, შეყვარებული არ ჰყოლია. საამისოდ გამბედაობა აკლდა. მაგრამ შეიძლება, ოფიციანტის მშობლები იმიგრანტები არც იყვნენ. შეიძლება, მისი მშობლები აქ დაიბადნენ, და ძველ ტრადიციებს აღარ ემორჩილებოდნენ, ან შეიძლება ოფიციანტი გოგონა თეთ-

რკანიანთა ნაშვილები იყო. გოგონები ახლა არა მარტო განსხვავებულები არიან, არამედ - უფრო ბედნიერებიც, გაიფიქრა ქალმა. სურდა ეთქვა ოფიციანტისთვის, ნარმოდგენა არა გაქვთ, რამდენი ბრძოლის გადატანა მოუხდა ჩვენს თაობას, რომ თქვენ თმის იასამნისფრად შეღებვა და ტუჩის გახვრეტა შეგძლებოდათ.

კაცმა იდაყვი გაპერა ქალს, რომელიც მის გვერდით მარმარილის ქანდაკებასავით უძრავად იჯდა და წასჩურჩულა:

- ასე ნუ აშტერდები ოფიციანტს, უხერხულია.

ჩაის ფინჯნებს სახელურები არ ჰქონდა. სითხე იმდენად ცხელი იყო, რომ ვერც ერთმა მათგანმა ვერ შეძლო ფინჯნის აღება. მხოლოდ სულს უბერავდნენ, იმ იმდინით, რომ ჩაი გაგრილდებოდა. ერთმანეთს უუბნებოდნენ, როგორი ცხელიაო. მზარეულს აქამდე ერთი სიტყვაც კი არ ეთქვა მათვის, მაგრამ, როგორც ჩანს, არ სიამოვნებდა (როდესაც წყარი იკეანის ხამანნკებს ამზადებდა), რომ სტუმრები ჩაის არ სვამდნენ.


იაპონელები ასე იქცევიან, - თქვა მან ბოლოს (კვლავ დახლის უკან იდგა), ხელი გასშვირა, ორი თითოთა და ცერით აიღო ქალის ფინჯანი, მეორე ხელის გული, ლამბაქივით, ქვემოდან ამოუდო, და კვლავ თქვა, იაპონელები ასე იქცევიანო. შემდეგ ფინჯანი ქალს გაუწოდა. ქალმა და კაცმა სცადეს მიებაძათ, მაგრამ გაუჭირდათ. შესაძლოა, უფრო ნაზი კანი ჰქონდათ. მათთვის ფინჯნის დაჭურა იგივე იყო, რაც მდუღარე წყალში ხელების ჩაყოფა. კაცმა ფინჯანი დადგა. ქალს არ სურდა, გული დაეწყვიტა მზარეულისთვის და დიდხანს ეჭირა ფინჯანი. ხელისგულები აეწვა.

ახლა, როდესაც კაცმა შეიტყო, რომ მზარეულმა ინგლისური იცოდა, სცადა, მასთან საუბარი გაება.

ხელნაკეთი ფინჯანია, ხომ? - იკითხა მან. - შესანიშნავადაა მოჭიქული.

შემდეგ ქალისკენ შეტრიალდა და მათი ფინჯნების მომწვანო-მოლურჯო ჭიქურზე მიუთითა. მისი თქმით, ქალის ფინჯნის ჭიქური უფრო მსხვილი და მუქი იყო, ვიდრე - კაცისა.

- ჰმ, - ჩაიდუდუნა ქალმა. მისი აზრით, ეს ჩვეულებრივი ფინჯნები იყო.









და ჩარეულიყო. ამ რესტორნების უმეტესობას ბევრს ხომ მისი ინიციატივით ესტუმრნენ. როდესაც მათ ერთმანეთი გაიცნეს, კაცს გაგონილი ჰქონდა, რა იყო ომაკასე, მაგრამ გასინჯული არ ჰქონდა. ამის შესაძლებლობა არასოდეს მქონიაო, თქვა და ქალმა გაიფიქრა, კაცის ეს სიტყვები იმას ხომ არ ნიშნავდა, რომ ამ უკანასკნელმა არ იცოდა, როგორ მოქცეულიყო იაპონურ რესტორანში და არ სურდა, კერძების შეკვეთისას სულელური შეცდომები დაეშვა. ერთხელ ახალგაცნობილი კაცი ქალმა ბოსტონის იაპონურ რესტორანში წაიყვანა, სადაც ქალის ნაცნობი ჩინელი მზარეული მუშაობდა. ბევრი ჩინელი მზარეული ამზადებდა იაპონურ კერძებს, რომლებიც ჩინურ კერძებზე უფრო პოპულარული იყო. ქალი ჩინელ მზარეულს იაპონურ ომაკასეზე ელაპარაკებოდა და გაუმზილა, რომ მშობლები იაპონელებისადმი სიძულვილს უნერგავდნენ, ხოლო ბებია და ბაბუა ჩინეთ-იაპონიის ომის მონაწილეები იყვნენ და ჭირის დღესავით სძულდათ იაპონელები. საბედნიეროდ, ქალი ამ გრძნობებს არ იზიარებდა. ის შტატებში გაიზარდა და სულაც არ იყო მტრულად განწყობილი იაპონელების, მათი კულტურისა და კერძების მიმართ. რაც ნიუ-იორქში გადასახლდა, ისინი ყოველთვის იმ რესტორნებში დადიოდნენ, რომლებიც ახლა კაცმა დაასახელა. სწორედ ქალმა განუმარტა კაცს, რომ იაპონურად „ომაკასე“ ნიშნავს, გენდობითო. გარდა ამისა, ყოველთვის ის იხდიდა იმ კერძების საფასურს, რომელთაც ამ რესტორნებში შეექცეოდნენ. შეიძლება ყოველთვის არა, მაგრამ განსაკუთრებით ძვირ რესტორნებში - ნამდვილად იხდიდა. ეს გონივრული საქციელი იყო, რადგან მას კაცზე უფრო მაღალი ხელფასი ჰქონდა. ომაკასე მათ ჩვევად ექცათ. ქალს მოსწონდა, რომ საერთო ჩვევები ჩამოუყალიბდათ.

ქალმა შენიშნა, რომ ბოსტონში იყო კიდევ ერთი რესტორანი, რომელსაც ისინი ერთხელ ესტუმრნენ.

- გახსოვს? იქ მე მიგიყვანე. პირველად იქ გასინჯე ომაკასე.

თან გაიფიქრა, კაცმა თავი დამცირებულად არ იგრძნოს იმის გამო, რომ იმხანად ინიციატივა მე გამოვიჩნეო.

- რა თქმა უნდა, მახსოვს. - თქვა კაცმა, ისე, რომ ქალისთვის არ შეუხედავს.

- ჰო, კიდევ სად მუშაობდით? - ჰკითხა მან მზარეულს.

- ქალაქის ცენტრში მდებარე ერთ-ერთ რესტორანში, - მიუვი მზარეულმა. და დაასახელა რესტორანი, რომლის შესახებ არც ქალს და არც კაცს არაფერი სმენოდათ.

- შეიძლება, არ იცოდეთ ეს რესტორანი, - თქვა მზარეულმა. - ძალიან ძვირია და ძალიან მოდური. ყოველდღეც არ მუშაობს. სადილებს წინასწარ უკვეთენ. იმისთვის, რომ მაგიდები და მენიუ შეუკვეთოთ, უნდა დარეკორ სპეციალურ ნომერზე, რომელსაც ქალაქის აბონენტთა სიაშვერ ნახავთ, მხოლოდ მუდმივმა კლიენტებმა იციან და ისინი ეუბნებიან ხოლმე თავიანთ ნაცნობმეგობრებს. თუ დარეკავთ, უნდა სთხოვოთ, რომ მენეჯერთან დაგაკავშირონ. და კიდევ - მენეჯერიც უნდა გიცნობდეთ. სხვა შემთხვევაში ის იტყვის, რომ ნომერი არასწორად აკრიფეთ და ყურმილს დაკიდებს.

- ხუმრობთ? - გაიკვირვა კაცმა. შემდეგ ქალს შეხედა და ჰკითხა, გაიგონე, რას ამბობს მზარეულიო?

გაიგონა. მზარეული არ ჩურჩულებდა. კაც დახლისკენ გადაიხარა და თავი იდაყვებზე დააყრდნო პატარა ბიჭივით, რომელიც ელოდება, როდის დაუდგამს დედა მაგიდაზე გემრიელ კერძს, შესანიშნავიაო, თქვა ქალმა და მაშინვე უკეთ იჯრძნო თავი.

- ალბათ, ამ ყველაფერმა ძალიან დაგლალათ. - თქვა კაცმა. - დაგლალათ მდიდარი ხალხის მომსახურებამ.

- არა.

- სანაძლეოს დავდებ, რომ გიჭირდათ იქ მუშაობა. შეკვეთილი ნევულებები. მდიდარი, გაზულუქებული ადამიანები.

- არა.





## ტარიელ დათიაშვილი

# მელია და მნევარი

ეს წერილი, მოხსენების სახით, დიდი ხნის წინათ სემიოტიკის ერთ-ერთ კონფერენციაზე წავიკითხე. მოვციანებით მასში გადმოცებული შეხედულებები თანამედროვე ქართულ რომანს დავუკავშირე და ახლა მას სრულიად განსხვავებული სახით გთავაზობთ. მართალია, ბოლო ხანებში აქ დასმულმა პრობლემამ, თითქოს, სახე იცვალა, მაგრამ ლიტერატურის მოყვარულთათვის, ვფიქრობ, მაინც საინტერესო იქნება.



არც ისე დიდი ხნის წინათ, ქალბატონ ცირა ბარბაქაძის ერთ ლექსში ასეთ სიტყვებს გადაუწყდი: „დროს მაშინ ვპოულობ, როცა ვკარგავ“. ის დრო გამახსენდა, დიდი მდინარე რომ მოვარდა და მწერლებმა, უცდად, უკუღმა ლაპარაკი დაინტერეს. ვიღაც იქით მხარეზე დარჩა, ვიღაცამ გამოცურა, მერე კი დადგნენ ნაპირზე და ერთმანეთის ლანძღვა დაინტერეს. იმიტომ არ დაუკარგავთ ერთმანეთი, რომ ეპოვნათ, პირდაპირ მინა მიაყარეს ერთმანეთს. დროთა კავშირიც აქ დაირღვა, რითაც ქართულ ლიტერატურას ნამდვილად არ უხეირია. მას მერე სიტყვები ყირამალა გადადიან, გამუდმებით გაურბიან საკუთარ თავს, საპირისპირო უდერადობაში, აზრსა თუ მნიშვნელობაში იყუშებიან და იქედან იქნევენ მუშტს, მაგრამ ამის გამო დრო ნაბიჯს არ ანელებს ქუდის მოსახდელად, უბრალოდ, თუ აქამდე მარცხნიდან მარჯვნივ მოძრაობდა საათის ისარი, ახლა პირუჟუ გაუყვა გზას.

ძალიან ახალგაზრდა ვიყავი და მეგონა, ეს მარტო ჩვენს თავს ხდებოდა. აკვარიუმის თევზივით ვერც მე ვხედავდი ჩემსა და მსოფლიო

რეალობას შორის არსებულ ზღვარს, ვცდილობდი, ახალი სიტყვებით კარგად მეთამაშა, რა ვიცოდი, ერთი შეხედვით მარტივი ფრაზა: დროს მაშინ ვპოულობ, როცა ვკარგავ, მთელ საკაცობრიო ისტორიას თუ მარხავდა. აბლაბუდა პირველად შობენჰაუერმა მოქსოვა. ის ასე იტყოდა: დროს ვერ ვპოულობ, ვიდრე არ დავკარგავ, რითაც ჭკუისკოლოფა რაციონალისტებს უუბნებოდა, თქვენ მართალი ხართ, კარგ სიტყვებს ამბობთ, ჭეშმარიტებისკენ მიმავალი გზის ჩვენება შესაძლებელია, მაგრამ მაინც არაფერი გამოგივათ. ბევრს არ გაუცინია, მეტიც, ახალგაზრდა, გულჩათხრობილმა ფილოსოფიოსებმა პროგრესიზმი მიზანმიმართულ ბოროტებად გამოაცხადეს. ვიდრე არ დავასრულებთ, ვერ აღმოვაჩენთ; ვიდრე არ მოკვდება, ვერ ვიპოვით, ვერ დაველაპარაკებით (ტ.დ.). პროგრესისტების სიტყვების სინათლე საზრისის დაბნელებამ, ჭეშმარიტებისგან აცდენამ გახადა შესაძლებელი, ჭეშმარიტი სული ნარსულში დარჩა, ამიტომ საჭიროა შემობრუნება და ამჯერად, არა მომავლისკენ, არამედ უკან, გზის დასაწყისისკენ გეზის აღება, სა-

ფუძველშივე მისი წვდომაო. რამდენად გასაკვირიც არ უნდა იყოს, ეს დიადი ბიჭები პროგრესიზმში მიმართულების, მხოლოდ საათის ისრის მოძრაობის პრობლემას ხედავდნენ, ამიტომ იმედოვნებდნენ, რომ მატარებლის შემობრუნებით მას იოლად შეაჩერებდნენ (გაანეიტრალებდნენ). მოდერნულობამ კი საპირისპირო მიმართულებითაც დიდი წარმატებით გააგრძელა სვლა. საბოლოო ჯამში, ერთიანი კულტურული მოძრაობა გაიხლიჩა და ამ ორმა დრომ მოდერნულობის სივრცეში სწრაფად მზარდი ერთმანეთს დაპირისპირებული იდეოლოგიები წარმოშვა. საჭირო გახდა გაჩერება, დროის გაყინვა, ერთ ადგილზე გაქავება, რადგან ის ნერევით ემუქრებოდა მთელს ადამიანურ სამყაროს. ასეც მოხდა, გვიან, მაგრამ, საბოლოოდ, ზუსტად ისტორიის დასასრულზე, გაჩერებაზე დაიწყეს ფიქრი. ახლა ეს ძალიან პოპულარული ტექსტებია და ისინი ყოველივეს დასასრულს კი არ აღნიშნავენ, არამედ ერთ წერტილში დროის ძაფების განასკვას ცდილობენ (წერტილი, რასაკვირველია, ეგზისტენცია-ანმყოა).

ამ მოვლენას უძველეს დროშიც მოეპოვება პარალელი, იმ ეპოქაში, როცა ჯერ კიდევ ზევსი ამყარებდა თავის წესრიგს. გახსოვთ, ალბათ, როგორ დაედევნა ერთხელ კეფალეს მწევარი ტევმესის მელიას, რომელიც თებელებზე განრისხებულმა დიონისემ მოუვლინა ბეოტიას. როდესაც ამფიტრიონმა ალკმენეს ხელი ითხოვა, მას ასეთი პირობა წაუყენეს - ალკმენეს მოგათხოვებთ, თუ კაციჭამია მელიას მოგვაშორებო. ღმერთებისაგან იყო დადგენილი, რომ ტევმესის მელიას ვერაფერი ვერ უნდა დაწეოდა დედამიწის ზურგზე. ამფიტრიონმა დახმარებისთვის კეფალეს მიმართა, რომელსაც ჰყავდა არტემიდეს ნაჩუქარი მწევარი. ასევე ღმერთების მიერ იყო დადგენილი, რომ ლელაპოსი რასაც არ უნდა დადევნებოდა, დედამიწის ზურგზე, უეჭველად უნდა დაწეოდა. და აი, დადგა ჭეშმარიტების მომენტი: მწევარი დაედევნა მელიას და დასანგრევად განნირულმა სამყარომ ზანზარი დაიწყო (ამ მოვლენას სარჩულად ისეთი დახლართული პოლიტიკური მოვლენები ედო, მასთან შედარებით მეოცე საუკუნე ქობულეთია). მორალი ის არის, რომ ღმერთები გამუდმებით მოდიან წინააღმდეგობაში საკუთარ თავთან, ისინი ნანგრევებზე ბატონობენ. ზევსის მულტიკულტურული დროც დაწყებისთანავე სრულდება, თვით გარიურაუზე, ჰერაკლეს დედ-მამაც რომ ჯერ ერთმანეთს არ იცნობენ, ტროა ხსენებაშიც რომ არა და გიგანტომაქიაც ჯერ კიდევ გადასატანია. ზევსმა შემთხვევით მოჰკრა თვალი, როგორ მისდევდა ლელაპოსი ტევმესის მელიას და მა-

შინვე გააქვავა ორთავე არსება, მაგრამ ეს არ არის პრობლემის გადაწყვეტა, აյ გაქვავება კონფლიქტის მხოლოდ დაკონსერვებას ნიშნავს. ეს ბედისწერაა, ღმერთების ნება-სურვილით ეს არსებები უკვდავები არიან, ამიტომ ადრე თუ გვიან ისინი დაიბრუნებენ დროს, საკუთარ თავს, მწევარი დაეწევა ან ვერ დაეწევა მელიას და წესრიგიც დაიმსხვრევა. ბერძნულმა კულტურამ სწორედ ამ გარდუვალი მსხვრევის, გაქავებული შესაძლებლობის წიაღმიანება. დრო ზუსტად მაშინ გახდა ნაპოვნი, როცა ის დაიკარგა.

ერთი სიტყვით, ისტორიისთვის ერთი თვალის გადავლებითაც ნათელი გახდა, რომ ფრაზა - დროს მაშინ ვპოულობ, როცა ვკარგავ, მთელი საკაცობრივი ისტორიის მანძილზე იმდენად ინტენსიურად ტრიალებს სხვადასხვა ენებში და ამ გამოთქმის იმდენი კონფიგურაცია და ინტერპრეტაცია დაგროვილი, თავისი განმარტებებიანად, რომ მასთან დაკავშირებით რაიმე ორიგინალურის თქმა ცირკის არნაზე თუ იქნებოდა მხოლოდ გამართლებული. თუმცა, ესეც არ იქნებოდა პრობლემა (ცირკი ლიტერატურის საყვარელი ადგილია, აზროვნება კი - ზუსტად ჰერაკლეს მსგავსი გმირი, რომელსაც ყოველთვის შეუსრულებელ დავალებებზე ვგზავნით), რომ არა თვითონ ნაპოვნი ფრაზის შინაარსი. მის ფარგლებში მოქცეული დროის ასეთი წაკითხვა ხომ უკვე ფიქრის დაწყებამდე აუქმებს სიახლის საჭიროებას, ორიგინალობას როგორც სულიერ მოთხოვნილებას? ადამიანი ხარ, გინდა იყო განსხვავებული, გამორჩეული; იყო მუდმივ სწრაფვაში; ელტვოდე მუდამ უკეთესს, ახალს, განსაკუთრებულ მდგომარეობას, მაგრამ ამას ვერ ახერხებ, ხელ-ფეხი გაქვს შეკრული, დრო არ გიშვებს. გაქვავებული ხარ, რადგან მოცემული ფაქტი - დროის უწყვეტი მდინარება, მაგრამ არ სჩანს არანაირი უნივერსალური მომავალი, რომლისენ სწრაფვაც განაპირობებს დროის შესახებ ნებისმიერი წარმოდგენის არსებობას. დღეს ქართული ლიტერატურა აღმოჩნდა ამ პალაბუდაში იმდენად, რამდენადაც ჩვენი დრო ექოსავით ირეკლება მეოცე საუკუნის დასაწყისის გაყინულ კალთებზე, რომელსაც დაკარგული დროის საძებრად წასულმა მარსელ პრუსტმა შემაძრნულებლად მშვენიერი სახელი - დოადი უაზრობა, უწოდა.

ლოგიკურად, ამ მდგომარეობაში ნებისმიერი ჭკუადამჯდარი რომანი დაფიქრდებოდა - რა ვქნა, ავჯანყდე და ყველაფერი შევცვალო ირგვლივ თუ საკუთარი თავში ჩავიხედო, გავიგო, რა მინდა მასში სინამდვილეში? ორთავე შემთხვევაში მას დანიშნულება დასჭირდებოდა, გულუბრყვილო ენთუზიაზმით რომელიმე

მწვერვალისკენ თითის გაშვერა. პოსტმოდერნულად განწყობილი ქართული ლიტერატურა კი არ ავლენს არავითარ მიღრეკილებას მისიებისკენ (ეს ცუდ ტონად ითვლება. ჭკუის დამრიგებლურ მონოლოგებს თუ იგავებს მასხრად იგდებს), არ გააჩნია განახლების მოთხოვნილება. წერის პროცესი მიჯაჭვულია თვითონ სიტყვებზე, სიტყვები კი საკუთარ თავში არიან ჩახლართული, რომელიც არ საჭიროებენ აზრის დახმარებას გარედან, რომ იყვნენ გაგებული. ტექსტის საზრისი სუბიექტური მგრძნობელობის საზღვრის გადალახვას ვერ ახერხებს. ყველაზე საინტერესო ლიტერატურული მოვლენა მისთვის თვითონ წერის პროცესია და ის, ვისაც კალამი უჭირავს, თითქმის ისევე, როგორც პრუსტისთვის, ოღონდ თევზის მდგომარეობაში, როცა ჯერ კიდევ ვერ ხედავ საკუთარი აკვარიუმისა და ოთახის სივრცეს შორის გამავალ ზღვარს. შენი განცდების ნარმოქმნაში მინაზე მოარული ჩრდილებიც მონაწილეობენ. თამაშს კლასიკური მიზანი აქვს - იპოვო უცხო, მაგრამ ეს ისევ შენში არსებული უცხოა, რომელსაც აძლევ შენგან გამოსვლის, დამოუკიდებლად არსებობის უფლებას, რომ მისი თვალით დაინახო საკუთარი თვითი. სხვაგვარად საკუთარი მდგომარეობის ბოლომდე შეცნობა შეუძლებელია (ჰეგელი ამბობს, თვით უფალიც კი ვერ გახდა სრულყოფილი ძის გარეშეო). მაგრამ, ისევ პრუსტის მხატვრული სახეები რომ გამოვიყენოთ, ამისთვის აუცილებელია ხედავდე (ამჩნევდე) აკვარიუმს, რომელშიც იმყოფები და იმ ოთახის სივრცეს შორის არსებულ ზღვარს, რომელშიც აკვარიუმი დგას. ეს უნდა შეძლო, თუ საკუთარ დასასრულს, საკუთარ პორიზონტს ვერ ხედავ, თუ არ იცი, სად ხარ და სად მთავრდები, საკუთარი თავიდან როგორ გამოხვალ? დროის პოვნა ამ ზღვარის პოვნაცაა.

ეს პრობლემა აქვს ჩვენს ლიტერატურას (ამაში მთელს ცნობიერებასასაც შეიძლება ვგულისხმობდე): საკუთარი თავი არ გვაქვს შემოსაზღვრული იმ კულტურაში, რომელშიც ჩვენი აკვარიუმი დგას, და რადგან ამ კულტურის თვალით ვერ ვუყურებთ საკუთარ თავს და გაუცხოების საფუძველზე ვერ ვახდენთ მასთან საკუთარი თავის იდენტიფიცირებას, ამდენად, ის ხდება სრულიად სხვა. მაგალითად, როცა ცნობილი მწერლები ჩამოდიან ხოლმე საქართველოში, ისინი ჩვენიანებად გვესახებიან, სრულებით არ არიან უცხოები, პირში მივჩერებივართ, იქნებ თქვას ჩვენზე რამე კარგი, თავზე ხელი დაგვისვას, რადგან ჩვენიანობა დაახლოებით პატრონული სათხოების მსგავსი გრძნობაა. თუ სტუმრის სიტყვები არ მოგვენონა, მაშინვე მორალისტურ-იზოლაციონისტური მე-

ქანიზმი გვერთვება და ის ხდება - სხვა. არ ვიცი, სრულყოფილად ავხსენი თუ არა ეს მიმართება, მაგრამ იმის თქმა მინდა, რომ სინამდვილეში დასავლური კულტურის არანაირი ნაწილი ჩვენ არ ვართ, იმიტომ კი არა, რომ ამ კულტურასთან სასიცოცხლო კავშირის ისტორიულ ნანამდღვრებს ველარ ვხედავთ ჩვენში, არ გვაქვს მისწრაფება ან სიყვარული, უბრალოდ, ვერ ვახერხებთ ამ კავშირის დამყარებას აქ და ახლა, კავშირი ხომ არ არის ლეთისგან ნაბოძები მადლი ან ბედის საჩუქარი, მის დამყარებას ძალისხმევა სჭირდება, როგორც სიცოცხლეს. შედეგად კი ვიღებთ საკუთარ თავს როგორც პირამიდას, ლაბირინთული ტიპის ნაგებობას, აკლდამას, რომელშიც ვართ ამოკეტილი, გარეთ ვერ გამოვდივართ, მაგრამ შიგნით არაფერს ვეძებთ, საკუთარ თავში არ ვეძებთ უცხოს, ამის მაგივრად, ისე გვიჭირავს თავი, თითქოს ცოცხლები ვართ, გარეთ ვიმყოფებით და მთელს სამყაროს ვუმზერთ, მაგრამ, სინამდვილეში, უკუნში გვიდგას ფეხი, ვერაფერს ვხედავთ, ცხვირნინ რა გვიღევს, არ ვიცით. მინდა დაგამშვიდოთ, რომ ეს არ არის ათენურ-გერმანული ლაბირინთი, გულგატებილი ტიპი რომ შედიხარ, იქედან კი მძლეთამდე გმირი (ჰიტლერი) გამოდიხარ, რომელსაც ერთი ხელის მოსმით მთელი გარემომცველი სამყაროს შეცვლა შეუძლია. არა, აქ შედიხარ და სიკვდილამდე შიგ რჩები, პატიოსნად, უსახელოდ (ასეთ სამყაროში შესვლა ზუსტად სახელის დაკარგვას ნიშნავს. შიგ არც მინოტავრია, რომლის მოკვლასაც ძველად ზუსტად სახელის მოსახვეჭად ცდილობდნენ, და არც არიადნას ხელს გპირდება ვინმე, იქედან გამოღწევის შემთხვევაში. მოკლედ, ზუსტად ისე, როგორც ჯოისის ლაბირინთში - დუბლინში), ანუ, არანაირი ხეირი არაა ასეთი ლიტერატურისგან, გარდა დალისა, მასში ვერაფერს პოულობ, არაფრის ახსნა არ შეგიძლია და შენც, ვერაფერს მატებ მას საკუთარი ძვლების გარდა....

და შიგნით, თვითონ ლაბირინთში რა ხდება? არც არაფერი. სრული სიბნელე. აქა-იქ ჩირალდნები ანათებენ, რომელსაც ქარი ათამა-შებს. შუქი მოხატულ კედლებზე მოძრაობს, რომლებზეც, შიგადაშიგ, ნახატების რაღაც ფრაგმენტებს შეავლებ ხოლმე თვალს. შინაარასი, როგორც გლობალური დრო, როგორც სამყაროს ერთიანი სურათი, მხოლოდ და მხოლოდ ამ კედლებზე მიმოფანტული, წამიერად გაელვებული, მხოლოდ სილუეტებში დანახული და მოგონებათა ასოციაციებად აღქმული ფრაგმენტების ინტუიტიური დაკავშირებაა, რასაც ბოლომდე ვერ ახერხებ, ვერ ასწრებ, რადგან დრო სწრაფად გადის, სწაფად მოძრაობ და რაც მთავარია, ხდება გამუდმებით ერ-













ლი კარნაციაა, ზღვარს რომ შლის იმათ შორის რაც არის და რაც შეიძლებოდა ყოფილყო.

## გასრულდა ესე ამბავი, ვით არ სიზმარი დაშისა...

დიდი ხანია, სარომანო კომპოზიციაში, ასე ვთქვათ, ფიქსირებული დასასრული ძეველებურად აღარ არსებობს. უფრო ზუსტად, დასასრულის ფუნქციას არაფიქსირებული დასასრული, თუ დაუსრულებლობა, - მხატვრულიდან რეალურში გარდამავალი ეს ლიტერატურული ნასკვი საკუთარი სტრუქტურით გამოხატავს და იგი უკვე არა ლიტერატურას, არამედ სოციოლოგიას ეკუთვნის. კლასიკური ფორმები მუშაობდა დასასრულზე, როგორც ლიტერატურის მკაფიო ორნამენტზე, რომელსაც არა დეკორაციული, არამედ იმანენტური ფუნქცია ჰქონდა. ეგრეთ წოდებული „ჰეფი ენდის“ აზრი არა იმდენად კეთილი დასასრული, რამდენადაც თვითონ „დასასრული“ იყო, რომელიც ლიტერატურას ისე შეეძლო გადაწყვიტა, როგორც თვითონ სურდა. დასასრული ლიტერატურის ძალაუფლება იყო, ჰეფიენდი - აბსოლუტური ძალაუფლება, რომელიც არ რყვნიდა. ამიტომ რიტუალის კულტურაში „დასასრული“, როგორც ტექსტის სტრუქტურის ორნამენტი, ექსისტენციის განცდის საქმეა, რაც, საბოლოოდ, სხვა არაფერია, თუ არა ფორმა, თუ არა რიტუალი!

„ქარის გამორჩევა“ რიტუალს არ იცნობს; არა იმიტომ, რომ მას, უბრალოდ, გმობს; იმიტომ, რომ საამისოდ არც ცხოვრებისა და ეროტიკის კონვენციური სერვისი კმარა, არც ადამიანური ისტორიის ბუნებრივი ხმაური.

რიტუალი საკრალური უესტია, რომლის განხორციელება კულტურულ დათქმებას არ შეუძლია. ამიტომ ამ რომანს არა აქვს დასასრული. ის არ მთავრდება არც ხმაურით, არც ქვითინით. ის თავის არყოფნაში ქრება, როგორც ნრფის უსასრულობა სივრცის უსასრულობაში, როგორც ორნამენტის სულიერი შეუძლებლობა.

## დასასრულის ნაცვლად თუ დასასრული მსჯელობის ნაცვლად...

დიდი ხნის მანძილზე ლიტერატურისთვის სამყარო იყო კითხვა, რომელიც პასუხს ითხოვდა. ლიტერატურა ცდილობდა თავდადებით ეპასუხა. თავდადებით, რადგან სინამდვილე ლიტერატურულ პასუხებს არ იმახსოვრება. პასუხებს იმახსოვრებს ადამიანი და როგორც სანუგეშოს, იზეპირებდა კიდეც ლოცვასავით. ახლა ლიტერატურა თვითონ იქცა კითხვად, რომელსაც ის უსვამს სინამდვილეს. აქვს თუ არა მას პასუხების არგავონების, შეუსმენლობის ფუფუნება, ეს ცალკე მსჯელობის საგანია. აქ იმას ვიტყვია, რომ კითხვა-პასუხის ნაწილობრივი ფუნქცია - გასცეს პასუხები, ლიტერატურამ სოციოლოგიას გადასცა. სოციოლოგიას კი პოეტიკასთან თავისი შავი და თეთრი ანგარიში აქვს. ამ ანგარიშის წყალობით, პოეტიკა წერის სფეროდან გავიდა, მისი ფუნქცია დეკორაციაში შეიძინა. მხატვრული სინტაქსი მშრალი დეკორაცია გახდა, რომლის ფონზეც დიდი კითხვები უნდა გათამაშდეს. მაგრამ, ჯერ-ჯერობით, პასუხი (სინამდვილე) ურთიერთმსავასი კითხვა-ტექსტების პირობებში ინფანტილურია საიმისოდ, რომ შეკითხვების - ყოფნისა და გამოხატვის სხვა, მისანდობი სიმართლე ეძებოს.



# საქართველოს კულტურის მინისტრი

## თეატრი რეალური

„S1/154

ტელ: 577 747-719  
ელ-ფოსტა: [info@arilimag.ge](mailto:info@arilimag.ge)

